

# *BORAPELI BA JESEBELE*

 Ha re tsoe re sa eme nakoana feela, ha re nyehela Molimo liteboho tsena. Ha re inamiseng lihlooho tsa rōna.

Ramehauhelo le Ntate ea Halalelang, Molimo, re thabile haholo ha U le e—e Molimo, le thuso e leng teng nakong ea tllokotsi. Re U leboha ka seo U re etselitseng sona. Re mpa re sa khone ho hhalosa, ho tsoa lipelōng tsa rōna, kananelo ea rōna ka sena, le ka ho re phallela ha Hao nakong ea tllokotsi. Re ithutile, lilemong, ho tšepa Uena le ho lumela Uena.

'Me kea rapela, thapama ena, Morena, U tle u tšeles mahlohonolo a Hao holim'a batho bana. Ho se be le motho ea tšeremang har'a rōna pheletsong ea tšebeletso ena. Haeba e mong a le teng mona ea sa lokang ho Molimo, a Matla a tsotsitseng Jesu lebitleng, a phelise mebele ea bona e shoang, Morena, le soule ea bona, le ho ba sokolella ho Uena. Aba sena, Morena. Ba se nang Moea o Halalelang, lena e be letsatsi le le leng le leholo leo ba sa tlong ho le lebala le ka mohla, ebe letsatsi leo Molimo a tšelang Moea oa Hae holim'a bona. Aba sena, Morena. Tšoarela libe tsa rōna.

Re U rapela ho hlohonolofatsa Moena Sullivan, motsoalle oa rōna ea mohau le ea mosa, le mehopolo ea hae ka batho, le ho leka ho ba tlisetcta khonahalo efe le efe eo a e khonang, ho ba thusa. Ke U rapela ho hlohonolofatsa Moena Sullivan.

Hlohonolofatsa bareri na ha ka bophara, hohle. Ba fe tse tlolisang tse fetisang, Morena. Ba eme sa linatla sefaleng 'me ba bolele Lentsoe la Molimo, hoba re phela lihoreng tse phethelang nalane ea lefatše lena. Molemo oa Hao o re khurumetse linakong tsena. Hoba re e kōpa ka Lebitso la Jesu. Amen.

Le ka lula fatše.

Ke leboha haholo lōna batho joalo ka, ho Molimo, ka sena. Moena Sullivan o ile a ithaopa. Lea bona, e ne e sa tl'o ba toka ho Moena Sullivan ho etsa joalo, ka hona re ne re itokiselitse ho hlophisetsa hona. Re u leboha ka mosa oa hao.

<sup>2</sup> 'Me, joale, bakeng sa—sa monehelo oa lerato, eona . . . u ne u sa tlameha ho etsa joalo. Che, ho ne ho sa hlokahale. Lea bona, feela . . . ba lefa litjeho, hotele le lijo, tseo re li fumaneng, 'me ke phetho se neng se hloko. Empa ke u leboha, ka mosa o moholo, 'me o tla thusa boromuo le ho hulela batho ho Molimo. O ke ke oa reka lisakrete, le wiski ea letho, le hofe ho phoso, o tla khetheloa ntho e lokileng. 'Me ke rapela Molimo ho e ngola lengolong la hao holimo mane, le ho e atisa ha leshome la likete, dolara ka 'ngoe, kapa—kapa peni, kapa nikele eo u e nehetseng tšebeletso ena.

<sup>3</sup> 'Me, joale, ke batla ho leboha Sesole sa United States ho re lumella mohaho oo re lutseng ho 'ona, ho tšoara litšebeletso tsena. Ruri ke hlile ke ba leboha ka pelō ea ka eohle.

<sup>4</sup> 'Me ha ke utloisia, Moena Sullivan o tlalehile tsohle li tla lefshoa hantle. Ha re eso tlohe motseng le joale, re kolota sente, tsohle li ile tsa hlokomehoa; ha re lumele nthong efe esele. U se ke ua namela motho, u tsepame 'me u lokolohe. 'Me ha u namile ho motho, ea tobana le bona u ba bolelle hoba u namile ho bona, ba u ekeletse nakoana, u tla e lefa. Lea bona? Ka mehla, ho molemo joalo... Ke eona pontšo ea Bokreste bo lokileng: ho tsepahala, ho tsepama.

<sup>5</sup> U batla ho phela seo u se buang feela. Haeba uena u sa se phele, u ka lebella motho e mong ho se phela joang, lea bona. Le liepistole tse ngotsoeng, tse baloang ke batho bohole, tsepahala ka mehla, feela, ho loka. Bolela 'nete, le ha e ka hlaba habohloko bo kae. Bolela 'nete, le joale, hobane kamehla u kae bolela e tšoana. 'Me ha u bua leshanano, u tla tlameha ho potoloha milione ea limaele, feela u sa loketse ho khutlela leshanong leo hape; 'me u entse ntho e tšabehang feela. Tsepahala feela, 'me u ka e bolela e tšoana ka ha e le 'nete.

<sup>6</sup> Ho joalo le ka Bibele. E bolele ka mokhoa oa Bibele, se qeke ka eona, e bolele ka tšobotsi sa eona, feela... e ngotsoe hantle mona 'me—'me u ka beha monoana oa hao holim'a eona. Ke—ke... u hlola Satane joalo. Satane o itse ho Jesu, "Ha U le Mora Molimo, re ke re U bone u etsa mohlolo. Ba U bitsa 'ramehlolo.' Fetola majoe ana bohobe, ha re bone. U lapile."

<sup>7</sup> A re, "Empa ho ngoliloe, Motha a ke ke a phela ke bohobe feela." Lea bona? O ile a nka Lentsoe la Ntate a hlola diabolosi, setšeng sa hae hantle. Le uena u ka etsa joalo, hlola diabolosi litšeng tsa hae, ka Lentsoe la Morena.

<sup>8</sup> Hape, ke tla be esale ke leboha Moena Sullivan ka mehla. Ena ke... Tšoarelang tlhahiso ena: ke kholoa mohla ba neng ba haha Moena Sullivan O lahlile paterone. Ha ho ea tšoanang le eèna. Ke kopane le monna a le mong feela bophelong ea nkhopotsang Moena Sullivan, e ne e le E. Howard Cadle. Ha ke tsebe haeba a mo tsebile kapa che, ho tsoa ho e—ho tsoa... Moena Cadle e ne e le moshanyana oa mahaeng e kang Moena Sullivan. 'Me o ne a sunya matsoho a hae tlase koana lipokothong tsa hae ho fihlela makrusepane a hae a huletsœ fatše koana, 'me a bua a solokolotse hlooho ea hae, 'me e le eèna feela E. Howard Cadle. 'Me ke—ke thabile haholo ha Moena Sullivan e le motsoalle le moena Evangeling. 'Me ke rapela Molimo ho hlohonolofatsa eèna le kerekana ea hae holimo mona, mohatsa'e ea khabane, baratuoa ba hae.

<sup>9</sup> 'Me ho lôna, bareri ba bang ba leng teng mona, ho lôna le phutheho tsa lôna, baboleli ba Full Gospel, re ka tloha re sa lumellane linthoaneng tsa tekhiniki tsa Lengolo. Ha ke

lumellane le mohatsa ka linthong tse itseng. 'Me lea tseba ke mabapi le'ng? O rata phae ea apole 'na ke rata cheri, ha re lumellane ke hona. 'Me ke tla le bolella seo ke se etsang ka ea ka: ke rata sekoatona se mahetla se chesang sa phae ea cheri (hona joale nka se thabela) ke e tšela botoro, ke nto e tšela sirapa; 'me, moena, ha e moante! Mohatsa ka o a e tšaba. Kea kholoa o tšaba dik'halori. A ka 'na a e rata, empa lea ba tseba na basali ba joang, ba a tšaba... Ba ōta hakana ha u ba hlab a ka sepelete sa kotoana o ka hlab a lesapo, 'me le joale ba batla ho—ba batla ho fokotsa. Ke tlhaho ea bona eo, kea kholoa, ka hona ho na le... 'Me, empa ke rata seo. Joale, mono ha re lumellane, linthong tse ling re itoketse. Empa, lea bona, ha re lumellane ka ho phethahala. Re ka bona ntho e tšoanang, bana besō, empa sehlooho sa eona, re ja phae, ke sona sehlooho sa eona.

<sup>10</sup> Holimo letotong, ho latela kolobetso ea Moea o Halalelang, le ho khutla ha Kreste, le ka lithuto tse khōlō tsa evangeli, tsa motheo oa Bibele, ruri re ema le eona sephaka-ka-sephaka. Joalo ka baena ba baholo ba kopaneng, marako a malumeli a le sieo, re sa khatthatsoe ke letho, re hoanta re habile Kalvari joalo ka lebothohali le le leng, 'moho.

<sup>11</sup> Haeba nka le thusa le ka mohla, nka e thabela. 'Me kea kholoa le lōna le tla rialo ho 'na. 'Me le lōna le ka nthusa. 'Me ntho e le 'ngoe eo le ka e etsang, eo ke e tsebang, ke ho nthapella, Molimo a se ntlohele ka fanya le ka mohla. Ke—ke—ke... Ha e a lula pelōng ea ka ho fanya, ke—ke batla ho tsamaea hantle, ke batla ho etsa ho loka. Hobane kea elelloa, joalo ka Moena Jack Moore a kile a mpolella, a re, "Moena Branham, ha ke batle ho kena lieteng tsa hao ka boiphihlelo bohole ba hao, ka Letsatsi la Kahlolo, hobane Molimo o tla u batla karabo e khōlō," ho re, "hobane O u neile limilione tsa batho matsohong."

<sup>12</sup> Joale, haeba ke tseba ke tla ema mono ho ikarabela ka batho bao, ke tlameha ho rera Evangel i ea mofuta mong? Botšepehi bo bo kakang, athe matsohong a ka ke tšoere leruo la Mali a Hae? 'Me O mphile neo ho... ha ho seriti sa pelaelo, motho ofe ea kelello o tla e tseba e tlameha tsoa ho Molimo. 'Me ka ntho eo, ha nka khelosetsa motho tseleng e phoso ka hobane feela sehlopha se itseng se boletse joalo, Molimo o ntla ntefisa eona ka Letsatsi la Kahlolo.

<sup>13</sup> Empa mohla ke neng ke bona pono, mona nakoana e fetileng, ka utloa batho bao ba hoeletsa... Na le fumane bukana ea lōna maobane bosiu? E—e Business Men's Voice. Ke botle. 'Me ponong... Re tla e tlanya kaofela khetlo le leng; ha e a fell a. Empa mono, le ho bona seo, eaba ke eme mono feela joalo ka—joalo ka ha ke eme hona joale. 'Me eaba ke ichebile ke robetse moalong, ke shebile mohatsa ka, koana ke eme mona ke ichebile. 'Me batho bao ba eme ka mathoko ha ke re, "Na Pauluse u tla tlameha ho ahloleloa Evangel i a e rerileng?"

<sup>14</sup> Ho re, “E.”

<sup>15</sup> Ka re, “Ke rerile Lentsoe ka leng ka tšoanelo eo ea hae.”

<sup>16</sup> ’Me limilione tsa hoeletsa, “Re itšetlehile ka taba Eo!”

<sup>17</sup> Ke batla joalo mohla ke tšelang mono, lea bona. Ke e batla joalo, ka tsela eo feela, hantle feela ka moo Pauluse a e buileng. Ha ke batle ho eketsa ntho e le ’ngoe ho Eona, ho tlosa ho le hong ho Eona. Hantle feela seo Bibele e se boletseng, ke batla ho e baballa e tsamaea joalo, lea bona. ’Me ehlile, haeba u e tšoere joalo, malumeli a tla hlaha ka makhalo ho emisa lerako khahlano le Lona.

<sup>18</sup> ’Me hape, khafetsa, baena besō ba hopola ke eme khahlano le baena ba ka. Molimo o tseba se fapaneng, ha eèna A mpa a tseba ’nete. Lea bona? Ha ho letho khahlano le baena besō, tsamaiso ke eona e re hlolisang ho ba baena. Ha se Lentsoe la Molimo le re sitisang ho ba baena, tsamaiso eo re imatahanyang le eona e re thibela ho ba baena. Ke hantle. Ka hona, re tlameha ho ema kae? Ema Lentsoeng, ’me Molimo o tla hulela batho bohole ho Lona (ke hantle) holim’ a—holim’ a seo. Le se e hlophise le ka mohla, ho betla mokha oa bolumeli ka eona, e baballe ho Molimo, ’me u lule u tsoelapele; u shalimile qetello feela, lula a botsitso, Molimo o tla phethisa ho setseng.

<sup>19</sup> Li ngata lintho tseo le nketseltseng tsona, ke ananela seo. Joale ha nka le thusa, ka ho le abela lesela la thapelo kapa ho hong. Joale, le se mpotse thuto, hobane ha ke—ke lakatse joalo. Batho ba bangata ba ngollang ba mpotsa ka lenyalo le hlalo le joalo, e leng tharang ka kerekeng. Khafetsa kea ba khutlisa, ’me ke re, “Botsa molisa oa hao.”

<sup>20</sup> Batho ba ’ngioletse mangolo mona ’me ho thoe, “Mabapi le sena teng? Le mabapi le sane teng?” Kea ba arabela, le tla e fumana. Bona molisa oa hao ka linthoana tseo hobane, holim’ a tsohle, ke moalosi oa hao. Ke—ke e—ke eèna eo Molimo o mo romileng ho u lisa. ’Me re ka tšoha re sa lumellane ka eona, ’me hoo ho fehla pherekano kerekeng ea lôna. Ha re batle hoo. Che! Che! Re u batla feela u khaolitse liketso tsa sebe, lintho tse ka ntle ho Bibele, le ho lula u habile Molimo. Lea bona? ’Me ha u fehla likhohlano tse nyenyane le lintho tse kang tseo, li khopisa kerekeng. Ka hona, nka khetha ha moalosi oa hao a u eletsa ka lenyalo le hlalo, le lintho *tseña* le lintho *tseo*, mo tlohelleng eona. Le eèna ke mohlanka oa Molimo, ’me o hlometsoe ho etsa hoo.

<sup>21</sup> Le sa hopola Mosamaria ea molemo ea oelaneng le monna oa lehlasipa? A ntoo hlahlela tlung ea baeti (eo ke kerekeng) mo fa monna eo lipeni li le peni, a mo laea hore haeba a hloka letho o tla mo lefa ha a boea. Ka hona, a fuoa lipeli tse peli, a ka u alafa ha e fèla e le monna oa Molimo. Haeba e le monna oa Molimo ea tiisetsang Lentsoe la Molimo, o—o tšoere seo Molimo o mo neileng sona: Moea le Lentsoe. Na ke eona? Re tlameha ho rapela joang? Ka Moea *le* ka ’Nete. ’Me Lentsoe ke ’Nete. Na ke eona?

<sup>22</sup> Joale, ke boela ke le leboha, ka mosa. 'Me joale, ke khathetse haholo, 'me thapama ena ke hlile ke khathetse, ha kea rera ho lula hoteleng e 'ngoe hape ho pheleng ha ka. Mekete ea little tsa botaho, bosiu bohle, ho batolakoa mamati ho hlajoa litlatse, 'me basali... Oh! Ke ile ka lula, bosiu bohle. Ke phetho. 'Me ka hona ha ke—ke a ikemisetsa ho tholoa hoteleng e 'ngoe. Ke tla ea moteleng. Ke tla itholla teraka ke robale ho eona, ka ntle koana setšeng nq'a e 'ngoe. Ke tla e fumana, ke itholle tente le khetsana ea ho robala, kapa moo nka itulelang ke le mong, 'nq'a e 'ngoe. Ke hantle.

<sup>23</sup> Sebe se jele setsi hakaale, sechabeng sena, ha ho makatse! Se likhotlela, 'me se pherehlane ho fihlisa mokong. Hantle holimo mona tulong e 'ngoe, lebatooeng la lōna... Ha se lebatooa lena feela, hohle. Hantle holimo mona, lilemo tse 'maloa tse fetileng, ha ke etetse e—e kopano ea borapeli holimo mona lebatooeng, motseng o moholo. Eaba bosiu boo sehlophsa sa borapeli, kereke ea molapo o moholo ea bacha, e tšoere seboka. Le ka mohla ha ke—ke e-so... Ke etetse Afrika tlas'a boupelli le sohle, ha ke e-so utloe ntho e joalo. 'Me hoseng ho hlahlamang, (ke sitoa ho le bolella ka tšoanelo, re letšoelle le tsoakaneng)... li qhalane mokatong, lintho tse litšila tse entsoeng, libotlolo tsa wiski li jalehile hohle. 'Me bacha bao, bashanyana le banana ba hlahletsoe phaposeng e le 'ngoe bosiu bohle, 'moho. 'Me hoseng ho hlahlamang, "ntate ea halalelang" a lutse ka ntle mane, ba tsoa ba inama pel'a hae joalo; tlas'a Lebitso la Jesu Kreste!

<sup>24</sup> Ebe ke se ke hlanya? Molato ke'ng—ke'ng ka 'na? Ha ke khone ho mamella lintho tseo feela! Ke... ntho e nkohlophsa likotoana ha ke bona seo. Na ke hona ho emela Morena Jesu oa ka? Moketjana oa botaho, oa boitšoaro bo hanang hloeko bo... tse sebelisitsoeng ke bahlankana le basali, li lahletsoe mekatong le meqomong ea lithoelle, le libotlolo le... Oh, banna, khili! Na le ka e bitsa Bokreste? Ha ho makatse lefatše le lutse maemong a sebe hakana. Be, moetsalibe o reng ha a bona seo? Likete tsa bona.

<sup>25</sup> Banana ba bacha bao ba tahiloe ba batla ba sa khone ho ikemisa, ka liphasposing bosiu bohle le bashanyana bao, meqoqo e silafetseng ho fetisa ho e utloa bophelong ba hao. Ka patisa ka mesamo litsebe tsa ka *tjena*, ho leka ho khaleha. Ka ntle mekatong, botaho, ho matheloa holimo le tlase mekatong joalo, borapeli!

<sup>26</sup> Joale, nka e lebella ho baetsalibe bana, joale, ba ipitsang boralipapali, ka ntle mona papaling ea bowling. Ha ngoana' ka a ka kena mosimeng oo, nka mo thesela ka mo ntša naheng. Uh-huh. Ntho eo le e bitsa papali, ha se papali. Ke eng... Ha u batla ho lōka, lōka nq'a Molimo. Ke eona.

<sup>27</sup> Ke batla ho le balla, feela mantsoe a tsoang Bibeleng. Le fumana mantsoe a 'maloa ao ke batlang ho a balla mohlolithero, a fumanoa khaolong ea 17 ea Marena a Pele, temana ea 1.

...Ka MORENA Molimo oa Iseraele ea utloang, eo ke emeng pel'a hae, ha ho ka ke ha lala phoka leha e le ho na pula ka lilemo tsena, . . . ka polelo ea ka.

Marena a Pele, ea 1 khao- . . . ea 17 khaolo, temana e 1.

<sup>28</sup> Ha nka u romella lesela la thapello, nako efe feela, ak'o 'ngolle; mongoli oa ka mona, o teng joale, Moena Maguire. Ba bakae ba kileng ba fuoa lesela la thapello? Ha re boneng letsoho la hao. Ema Moena Jim. Ke batla ho bona ho e . . . uena, le mohatsa'o hape. Mongoli oa ka ke enoa le mohatsa'e, bona ba sebetsang, ba rometseng . . . Ke moshanyana le ngoanana ba le romeletseng masela a thapelo a tsoang kopanong, bobeli ke Bakreste ba inehetseng. 'Me lentsoe, ha le ntetsetsa le utloa lentsoe le mololi, ke leleiti le lutseng mono, mohatsa'e. Ntata'e le 'ma'e, le bao, ba na le rōna mona kaleno; le—le baratuoa, ka mahohle. Ka hona . . . 'Me joale le tseba mongoli oa ka oa masimong, Mong. Mercier, Moena Leo Mercier, o teng mona nq'a e 'ngoe, le Moena Gene Goad. 'Me haeba re ka u romella lesela la thapello, nako efe, sohle seo re ka se etsang, ho le rapella ka mohala; sohle seo re ka se etsang, re tla se etsa.

<sup>29</sup> Monna ea hlollang enoa ea lere letsohong, mehato ea hae e baliloe, mahlo a hae a phatsimisoa ke Khanya ea Molimo, litelu tsa hae li fokaela lephakong la hae, u itlamile ka letlaloana la khale la nku, mehato ea hae e boima ha a theoha ka tsela e eang Samaria. Chalimo ea hae e sa khahle hakaalo, a mpa a tšoere HO RIALO MORENA nqa sechaba se seholo seo sa Iseraele. Yaa, Elia mo-Thishbe, moporofeta oa Morena. A sa khahle hakaalo ho talinngoeng, empa a tšoere Lentsoe la Morena.

<sup>30</sup> A sa tšabe ho ema pel'a khosi, hoba a tsoa pel'a Sefahleho sa ea fetang khosi ka boholo, a tsoa Pontšeng ea Jehova. Ka baka leo, o tsebile moo a emeng. 'Me ha a fihla pel'a khosi a se ke a hoeleea a kokoaetsa, o tsebile seo a se buileng. A ka bolella khosi, "HO RIALO MORENA MOLIMO OA ISERAELE, 'Ha ho ka ke ha na pula leha e le ho lala phoka pele ke e bitsa.'" Hobane'ng a itsalo, "Pele ke e bitsa. Ho ea ka polelo ea ka"? Hoba a ne a tšoere Lentsoe la Morena, e ne e le moporofeta, 'me moporofeta o tšoere Lentsoe la Morena.

<sup>31</sup> Ho a hlolla ho bona papiso ea Iseraele oa Testamente ea Khale le Amerika ea joale. Bobeli e ne e le lichaba tse khōlō. Bobeli ba tsona li theiloe, 'me batho ba tsona ba fihlile mono, ka baka la lihloriso tsa borapeli.

<sup>32</sup> Iseraele o ne a tubiloe ke Faro bokhobeng ba lilemo tse makholo a, ba tinngoe monyetla ho rapela Molimo oa 'nete le o phelang, 'me ba tinngoe monyetla oo; 'me ba fetohile makhoba. Empa Molimo o no o ba tsepisitse Bibeleng ea Oona, kapa

Lentsoeng la Oona, le ka baporofeta ba Oona, ha thoe O ba file lefatše. 'Me ba kene lefatšeng lena ba sutuletsa baahi ka ntle ho lefatše leo, ba hapile lefa la bona, hoba e ne e le morero oa Molimo ho etsa hoo.

<sup>33</sup> Le sechaba se seholo sena sa rōna se joalo. Re fihlile mona, 'me sechaba sena se theiloe holim'a tokoloho ea borapeli mane Plymouth Rock hobane bontata rōna ba balehile hloriso ea Roma ea tsamaiso ea Jesebele oa mehla ea joale, 'me ba ema ba mamella lihloriso tse khōlō tse ngata 'me tlas'a tsamaiso ea bohata ea Jesebele ba bolaeloa tumelo. 'Me ho latela Bibele, ea Tšenolo, khaolo ea 13, Molimo o kile oa ba tšepisa qanthane, le setša, hoba mosali a isoa feelleng teng a feptjoa nako, nako, le nako ha e aroloa. Molimo o no o etselitse Amerika tšepiso, kapa kereke (ho mosali), ho kena naheng ena.

<sup>34</sup> Na le lemoahile Tšenolo 13? Libata tse ling tsohle li tsoile leoatleng, metsi; Tšenolo 17:17, ho itsoe, "Metsi ao u a boneng ke matšoele le bongata ba batho." Libata tse ling tsohle, li tsoile metsing, matšoele le bongata ba batho. Empa e ne re ha United States e nyoloha, "E hlahile lefatšeng moo ho seng batho." 'Me le hopole, ha e nyoloha, e ne e tšoana le konyana.

<sup>35</sup> Joale, konyana e metse linaka tse peli, 'me ao ke matla a bochaba le a bolumeli. Empa ea re ha li kopana, le hopole, eaba konyana e bua joalo ka drakone e ttileng pele ho eona; 'me drakone e ne e le Roma.

<sup>36</sup> Mohla drakone e emeng pel'a mosali ho metsa ngoana oa hae ha a se a mo tsoetse, drakone e khubelu... Ke mang ea kileng a ema pel'a mosali eo Iseraele, ho metsa ngoana hang ha a tsoetsoe, ho romela hloriso eaba ho bolaoa bana bohle ho qala ka ba lilemo tse peli ho ea tlase? "Roma, drakone, ea ema pel'a mosali ho metsa ngoana oa hae hang ha a tsoetsoe."

<sup>37</sup> 'Me hape, rea fumana, hoba naha ena e hlahile e le naha e lokolotsoeng, 'me ea... e ne e tšoere konyana, e lekanyang Konyana ea Molimo. Empa, ka mora nakoana, eona tsamaiso ena ea rōna, ea bua joalo ka drakone ea hlakisa matla 'ohle a drakone e ttileng pele ho eona.

<sup>38</sup> Lia bapa, e 'ngoe nq'a e 'ngoe, ka ho phethehileng. 'Me le hopole mohla lintho tsena... Iseraele e tlie ea hapa lehae la eona le Palestina, ea thulela baahi bohle ka ntle ho naha ea rua naha. Re kene ra e amoha ma-India, ra ba suletsa morao ra hapa naha. Molimo o ne o e na le morero ka hoo. Molimo o ne o tla bontša lefatše seo O ka se etsang ka e-e sehlotšoana sa batho ba batlileng tokoloho, homme tokoloho ea borapeli, ho sebeletsa Molimo.

<sup>39</sup> Ba etselitse Iseraele eng? Oa fetola Iseraele sechaba se matla a fetisang lefatšeng, 'me sa lula joalo ho fihlela se fapoha thato ea Molimo. O entse'ng ka Amerika? Oa mo etsa sechaba se matlahali

lefatšeng ho fihlela se fapoha thato ea Molimo. Papiso, e qalang ka e 'ngoe ho isa ho e 'ngoe, ka nèpo.

<sup>40</sup> Mohla Iseraele a kenang naheng, ke ha e le e—e batho ba baholo ka lebaka la boëtapestle ba bona bo boholo. Ba okametsoe ke banna ba tšabang Molimo, joalo ka Davida, Khosi Salomone. Ba tšabjoa ke lefatše lohle, 'me ba thabile tlas'a menyetla ea lintoa tse sieo, ho se mathata, le ho phela tlas'a matla a Molimo, ho fihlela batho ka lefatšeng lohle ba tlide ho ba boha. Molimo o ba file neo ea temoho ea meeaa, e ne e lutse ho Salomone. 'Me mofumahali oa Boroa, ho tsoa... mofumahali oa Sheba a tsoa hole koana a parola Lehoatata la Sahara (o tsamaile likhoeli tse tharō) ho utloa bohlale ba Salomone feela. 'Me hoba a bone Salomone a senola meeaa, a mo tsebisitse makunutu a pelōng ea hae, o itse, "Tsohle tseo ke li utloileng ka uena li lokile, esita le tse fetang moo." A kholisoa hoba oo e ne e le Molimo.

<sup>41</sup> 'Me Amerika, holim'a motheo oa botata rōna ba tlileng koana ka tokoloho ea borapeli... Ra fuoa banna ba barapeli litšiung tseo, baetapele: George Washington, Abraham Lincoln, banna ba semelo se tsebjoang, banna ba Molimo. Amerika e le Amerika, litšiung tseo.

<sup>42</sup> George Washington, mona Valley Forge, pele a tšela Delaware, o rapetse bosiu bohole, a ba a koloba ho fihla lethekeng, a khumame lehloeng. 'Me hoseng ho hlahlamang ea re ha ma-Amerika a tloha a tšela, ba roetseng lieta ba batlile ba etsa mashome a mabeli holim'a lekholo, Sesole sa Amerika. Empa ke ha ba hahamaletse sepheo, ba loanela morero o ikhethileng. Ba sa tsotelle se tlang kapa se tlohang. (Lihuai tsa kena, a emisa mohoma oa hae a qhanolla pholo ea hae, a tšoara sethunya sa hae a tloha ho ea loanela seo a se tsebileng e le tokoloho.) 'Me tsatsi le hlahlamang, kea kholoa, masoba a litholoana tse 'ne kapa tse hlano (litholoana tsa sethunya sa musket) tsa phunya jase ea hae le katiba li sa mo ama ka letho.

<sup>43</sup> Banna ba Molimo, ba theileng sechaba sena, banna ba baholo! Ha ho makatse ba ngotse:

'Fatše lesō le relimolohe halelele  
Tlas'a tokoloho le leseli le mohlolo;  
Re sire ka matla a Hao,  
Molimo o Moholo, Khosi ea rōna!

<sup>44</sup> Nakoana e fetileng, ke qoqile le motsofe tlase Corydon, Indiana. A mpolella mohla motsemoholo o sa leng Corydon, le ka moo a... ho phetha ka moo a theohileng ka koloi ea lipholo ho utloa e—e suo ea mogofonoro. 'Me e le eëna le mogofonoro feela ba babeli, ba apereng sutu, ea likotoana tse peli. A re o ne a hoeba ka linku 'me a li kuta, a hlatsoa boea ba tsona, likhaiseli tsa hae tsa bo ôhla tsa mo rokela baki e khemang le marikhoe a hae. 'Me eare motsofe eo a sa lutse mono, mohlang oo lilemo li batlile ho ba mashome a robeli le metso e mehlano kapa mashome a robong,

a pholla litelu tsa hae *joalo*, 'me a re, "Billy, ke mohla 'Amerikee' e neng e le 'Amerikee.'"

<sup>45</sup> Ka sheba motsofe oo, ka nahana, "Moshaana, uena . . . bacha bana ba bangata ba ke ke ba e lumela, empa u boletse teng."

<sup>46</sup> Ho etsahetse'ng ka Israele ka mora motheo 'ona 'ohle oa borapeli? Ba qalile ba tlala monyemo. Ba qala ba finyella moo, be, ba sa tsotelleng se etsahalang. Ba qala ba nyehlisa ho khumamela Molimo, leha koana ba bolokile sebolepho sa borapeli joalo ka rōna. Ba ne ba tsoere sebolepho sa borapeli. Empa ba qalile ka bohlasoa bathong ba bona, 'me—'me ba qala ba kenya borabele bo fapaneng kerekeng. Tšebeletso ea Baalime ea qala ea khasetsa ka hare, 'me Israele ea hlanyetsa menate, ea tahoa, le lintho tse kang tseo, 'me qetellong ba sotetsa moetapele ea sa tsebeng Molimo; Akabe, ea hlahlammeng ntata'e. 'Me ntata'e e ne e le monna ea khopo, monna oa morui, feela e le monna ea khopo. 'Me o entse libe tsohle, ho feta mang le mang ea mo etileng pele. Empa Israele, sefitahloaneng sa botahoaa ba eona, ba hloma monna oa mokhalo oo, ba mo hloesa terone ho ba busa. Ba hopola ho itoketse. Joaloka ma-Amerika a mangata ha ba etsa kajeno, "Ke ralipolotiki ea lokileng, e etsa phapang ea eng? E ke ke ea etsa phapang ea letho, hobane ke ralipolotiki ea lokileng."

<sup>47</sup> Ma-Amerika a mangata, bongata bo boholo ba bona, ba rekile ka tokelo ea tsoalo ea bona, joaloka mo-Amerika, 'me ho thoe, "E etsa phapang efe, ha u mpa u fumana didolara tse 'maloa tse phaellang ho tsoa 'musong 'me u phela?" Ba rekile ka limpa tsa bona, le litakatsong le ho tjantjella lefatše le tletseng sebe, ba lebetse lona lebaka la ho tsorama ha rōna Plymouth Rock. Ba lebetse lefa la rōna, 'me ba tlohile ba ithekisa letšoeleng le hlanyetsang menate. Joaloka matsatsing a Israele, ho etsahetse joalo, Amerika e khethile tsela eona eo, ho theoha ka tsela eo hantle, menate!

<sup>48</sup> Ha isa-isaa, eaba 'muso oa chaella sebe: "Ha le mpa le ahile sinagogue, phapang ke efe?" Ke sona se entsoeng ke Amerika hantle. 'Me re qala re itlhophisa re bopa lihlotšoana, le ho phaella sebe, ho phaella sebe, ho phaella sebe. Hola ra hamarela sepheo se re tlisitseng koano! Sebe se qala se hohobela likerekeng joalo ka ha se entse mohlang oo. Basali ba qala ba kuta moriri oa bona, ho arapa liaparo tse manyala, ba li khaola selemo ka seng 'me . . . 'Me banna ba qala ba etsa *sena*, *sane*, le *seng*, le ho bapala likarete le ho hlophisa lipapali tsa bunco ka kerekeng, le ho inehela lefatše joalo ka bao, ho hlanyetsa monate, sefitahloanaa sa botahoaa.

<sup>49</sup> Bareri ba apesoa ke seminare, 'me bishopo o re, "Le ka rera bashanyana, sohle seo le se ratang. Ho ea ka 'na, mali a Jesu Kreste a hoamme khale koana lilemong tse sekete le makholo a a robong tse fetileng." Ho fihlela kereke e se letho haese mokhatlo,

ntho e kang ntlu e hiroang. Le se lebale thapama ena le ka mohla! Ho fetoha ntho e kang ntlu e hiroang, lefatše le qala le khasetsa ka hare, bareri ba qala ba tenyetseha joalo ka ba matsatsing a Akabe. Sebe sa phaellana, ha bola ho fihla mokong, sa tsoella joalo le joalo ka sekhhahla sa bokhoni ba sona.

<sup>50</sup> Leha Molimo o ba rometse moporofeta ka mora moporofeta, 'me Oa qeka batho ba Hae ka mehauhelo e mosa, ba E neile seholoholo. Ba batlile tsela ea bona, e ne e le ba-Iseraele, ba ne ba lokolohile, e le sechaba se seholo, baholo ba bona ba entse *hore-le-hore* (Davida le Salomone), ba ka etsa ka ho rata ha bona. Le rōna re ithehile holim'a ntho e tšoanang, ka nèpahalo; seo Washington, baholo ba rōna, le seo ba kileng ba se emela. Empa, moena, re hole le lintho tseo ka limilione tsa limaele; likereke tsa rōna li joalo, limaele tse milione.

<sup>51</sup> Ntho ea khale... Kereke ea Methodise kajeno, papisong le seo kereke ea Methodise e kileng ea eba sona! Seo Pentekosta e leng sona kajeno, ha e bapisoa le seo e kileng ea eba sona! Seo Baptise e leng sona kajeno, papisong le seo e kileng ea eba sona! Holane re ka fumana nako ho bua ka John Smith le bahlabolli ba bangata bao ba mesong. John Smith o boletse, pele a eshoa, ho re, "Ntho e harolang letsoalo ke hobane bassali ba Methodise ba qala ba roala masale a gauta menoaneng ea bona." Methodise! A ka re'ng kajeno ho ba bona ba kutile moriri oa bona, sefahleho sa bona sohle se takiloe ferefe, ho tena dishotso? Ke ka baka la sebe!

<sup>52</sup> Molimo o entse'ng kahar'a Amerika? Ho romela tsoseletso ka mora tsoseletso, tsoseletso ka mora tsoseletso. Bareri ba rerile Lentsoe, ho leka ho biletsha batho morao ho Molimo. 'Me ba entse'ng? Sona se entsoeng ke Iseraele, ho E hanela! Ho ba soma! Ho ba bitsa "bahalaleli-bathethehi"! Ho ba hlahlela chankaneng!

<sup>53</sup> Hola e mong oa likhaiseli kapa e mong oa baena, ba tsoang kerekeng ena kajeno, a ne a eme hoteleng eo maobane bosiu a phahamisa matsoho a hae a roris Molimo a hoeletska ka phaposing eo, ba ka be ba hlahletsoe chankaneng kajeno. Empa matahoa, mphi ea lithoto tsa "bathethehi-ba-sa-halaleleng" se ka ema mono sa hloliea bosiu bohole; ka botahoa, ba rohakana 'me ba hlobolisa basali liaparo tsa ba bona joalo, ba oela fulurung ba hoeletska bosiu bohole, 'me ha ho thoé letho. Ha se mohlolo ha re laretsoe ke tšenyo ea letsoho la Molimo!

<sup>54</sup> Lemohang, joalo le joalo, Molimo o rometse bareri, ho entsoe mehlolo le meeka, ho kholisa Lentsoe la Oona. 'Me khafetsa, boholo ba tšebeletso ea bolisa ba seoale bo E hanetse 'me ba soma tsoseletso efe le efe. Joalo ka bao ba bitsoang Church of Christ le bao, "Matsatsi a mehlolo a fetile." Ba leka ka matla a bona a khabane ho e hanela masallanyana ao a Molimo. Joalo ka Iseraeleng, ho a tšoana le kajeno. Hangata, Molimo o tlameha ho ntša batho ba Oona mekhatlong eo le mekheng ea malumeli, ho

ba ntsetsa feelleng boinotšing ba bona, ho qoqa le bona. 'Me O tla itholla masalla, le se belaetsoe ke eona. O e entse mohlang oo, O tla e etsa joale. Ba 'nile ba qaputsa sebeng joalo le joalo, ba lukela har'a lintho. Hobaneng? Boëtapele ba bona, ha ho letho ho e thibela.

<sup>55</sup> Be, ka botšepehi, ke tseba lichaba tse ngata tseo e ka reng ha batho ba ka khaioletsoa ka ntle seterateng ba apere joalo ka rōna mona Amerika, ba ka hlahleloa chankaneng. Mohla ke etetseng Saint Angelo, Roma (joale, nahanang, leha e nyonyeha hakaalo), ba manehile letšoao holimo mono, pel'a mekoti ea Saint Angelo, "Ho basali ba Amerika: 'Aparang liaparo hleng le hlomphé bafu."

<sup>56</sup> Ntho e ferolang libete, ke ho bona ho kena ho reiloeng ma-Amerika. Eare ke sa lutse, mane Lausanne, re ja leqa le monate la nama, tsatsi le leng, 'na le Moena Arganbright. Tsatsi le hlahlamang, ra khutla ka hobane re jele hamonate. Nka itlela le metsi mono, ha ba teke letho haese veine. Eaba ke itlela le metsi, ka tlameha khoaella mohope oa metsi tlas'a sephaka sa ka, ka linako tsohle, hobane ha ba u tekele metsi tafoleng. Eaba ke kena mono, lintho tsohle li itoketse ho fihlela "Mofn. Amerika" a kena ka mootloana, o litšila, o sefena o makhisa; a khoesitse mabenyan a khale joalo, sakrete se hlonngoe k'honeng tjena, a lula mono a iphetotse seo a seng sona; a tsoramissa ntjana e makhisa ena tafoleng, ntho litšila hakaalo, e nyonyehang.

<sup>57</sup> Ke...ntja ke ntho e mpe ho fetisa eo Molimo a buang ka eona. Esita le boshome ba tsona ha bo lefshoe ka tlung ea Molimo. "Joalo ka seotsoa, boshome ba seotsoa," Bibele e boletse. 'Me, koana, ke moo. Ba thibela pelehi ba lefa didolara tse sekete, nka rialo, ho reka ntja ea khale; ba e hulanya hohle ba e fa lerato la ngoana, a tle a hloaele bosiu bohole, 'me o thibela pelehi.

<sup>58</sup> Ho setse'ng haese tšenyeho! U ka tšoha u sa utloe lentsoe la ka hape, empa ke batla hore le hopole taba ena: Re qetellong!

<sup>59</sup> Mono, re fumana se hlahileng, se entsoeng. Qetellong, ha fihla hora e *khōlō*: Ha khethoa Akabe, hoba khone, a nyala Jesebele; mosali ea sebolu eo ea huletseng Israele eohle tšebeletsong ea melimo. 'Me joalo ka Israele ha e entse mohlang oo, khele, sena... Ba tlamehile ba ne ba be ba ngalile mohau, ho lumella ntho e joalo ho hlahela sechaba sa bona. Melao e etsoa ke batho e etsetsoa batho, 'me re entse hona hoo!

<sup>60</sup> Ka mohla o mong Amerika e be e sa tlo etsa joalo. Ba tsebile hantle ho lumella seotsoa seo sa khale, le sehlola sa khale se noeleng mali a bashoelatumelo; ho ba bolaea. Le sepheo sa ho balehela ha bona mona: bakeng sa tokoloho, ba ne ba sa tl'o mamella letho le joalo. E re supa re kene maemong a rōna a oeleng, sechaba sohle, ho khetha ntho e joalo ka eo. Oh, ehlile, joale lōna... bang ba lōna Mademokrate a matle a machitjana le ka hopola tjena, ho thoe "Oh, be, e tla—e tla ba moetapele

ea hloahloa oa lipolotiki." Mabaka a eona 'ohle a ka utloahala hamonate, kelellong ea nama. Empa Lentsoeng la Molimo le kelellong ea moea, ha se kelello. Ruri ha se eona, didoara tse 'maloa tse phaellang le makhetho a 'maloa kapa theolelo e kang ena.

<sup>61</sup> 'Me re hula ka thata, baromuo ba rōna naheng kajeno, hoba joale re 'nkuoa re le sechaba sa Bokatolike. Khele, ehlile, Rushia e 'nkuoa e le bokomonisi hoba moetapele oa bona ke lekomonisi. Red China e 'nkuoa e le bokomonisi hoba moetapele oa bona ke lekomonisi. Re 'nkuoa re le Bokatoliki hobane moetapele oa rōna ke Mokatolike.

<sup>62</sup> Oh, mohla Akabe a neng a lutse teroneng . . . U re, "O lutse teroneng." Ke hantle, empa Jesebele e le hlooho e futhang terone eo. E ne e le eēna ea laolang. Le mo shebe ka moo a shobileng melao ea na ha a e khopamisa, ho ikholis a eēna le meharo ea hae, a chocha Akabe ho e phethisa ka ha a mo nyetse. 'Me le moetapele oa rōna o joalo kajeno. Ha ke 'mitse monna sa lokang, empa shebang se mo futhang: sehlola, lebaka la ho balehela ha rōna mona (ho ba Amerika) ka lona; melaoana eo Amerika e theiloeng holim'a eona. Rōna, ka khetho rōna e lokolohileng, re khethile ntho e kang eo.

<sup>63</sup> Joale na le bona lebaka leo kolu ea ka e tlang ho tholisoa kapele. Empa motho e mong o tla tseba! E! Hobaneng? Tšenolo 2:20, o ipitsitse "moporofeta oa mosali." Le shebe leqhubu le thethehang la sebe hona joale. Le shebe setsi ha se phallela hare koana setsing. Le shebe seojoale-joale, le shebe mohla lintho tsa bokhopo ha li etsahala kahar'a likereke. "'Me, qetellong, ho fihle hloriso," Bibele e rialo, HO RIALO MORENA! Ruri, e tla fihla.

<sup>64</sup> Ho ntano etsahala'ng? Joalo ka ha ho bile mohlang oo, e tla iphetha joale. E ne e le matla a e futhisang, e le eēna ea e laotseng. Le bale e . . . Kea kholoa ke supa- . . . khaolo ea 17 kapa ea 18, kae-kae mono, u tla fumana seo Jesebele a se entseng: ka moo a shoabotseng Akabe, a sa bue letho ka ha e le mosali oa hae. Shebang moo sechaba se ne se theiloe teng mohlang oo, mongala oa mo-Israele ka mosali oa mohetene (ka mora hae) ea neng a rapela Baalime. 'Me o entse'ng? Qetellong a fetola ntho eohle seojoale-joale, e le monate hakana, 'me batho ba iphelela habobebe, eaba ea hapa kereke eohle, bareri le bohle. Na Elia ha a bua, "Morena, ke setse ke le mong"? 'Me joalo ka mohlang oo, e bapisa kajeno.

<sup>65</sup> Bao bohle ba ne ba tšaba ho bua letho. Na ha e tšoane le kajeno? Ba ne ba tšaba ho bua letho. Ka hona re ba fumana, ba hlephile feela, tlatselaka, botahoa bo atile, ba hlanyetsa monyaka, le ntho eohle eseles, e itšoanel a le kajeno. Jesebele o ntse a sotha Mangolo ao . . . Ebe o entseng . . . kapa melao eo, joalo ka—joalo ka Jesebele ea tlang ho sotha. Hopolang, Jesebele, o ipitsa "moporofeta oa mosali," ho kokobetsa batho, 'me o ipitsa "lona

feela lentsoe la Molimo holim'a lefatše." O tla kholisa kelello ea nama ho e lumela ruri bo.

<sup>66</sup> "Ho tla rapeloa mosali, mona United States, 'me e tla be e le Maria." Ke e bone, mashome a mararō... 1931. Ho etsahetse lintho tse supileng. Ke e ngotse eohle pampiring mona, ke e tšoere, ho e ngola ka 1931. Ka moo ke boletseng "Mopresidente enoa, Franklin D. Roosevelt, o tla hulela lefatše lohle, ho le thusa joalo, ho khannela lefatše ntoeng." E ne e-so be ntoa le joale, mehleng ea khatello. Ka re, "Ntho e 'ngoe,..." 'Me 'mè oa ka, Modemokrate oa makoma, a hla a ntjamela ha ke rialo. Ka re, "Ha ke tsotelle haeba e le Morephaboliki kapa e le Mososhiale kapa seo a leng sona, ena ke HO RIALO MORENA." 'Me ka re, "Ka ketso ena, ba lumella basali ho vouta. 'Me ha ba etsa joalo, ba tlotlolotse sechaba sena ho feta ntho efe eo ba kileng ba e etsa." 'Me ka re, "Ka letsatsi le leng ba tla lefa." 'Me ba e entse likhethong tse fetileng tsena. Ke sona se mo khethileng, basali.

<sup>67</sup> 'Me lōna batho ba theko e thata ba 'mala, ka Boroa, le voutile joang! Le re, "U cha u tšolang ho bua taba eo sefaleng." Oh, e, ke na le tokelo, ke Lentsoe la Molimo! 'Me sekoli sa—sa Abraham Lincoln, eèna ea le lokolotseng, se robetse koana museamong holim'a mose oa mosali, 'me le reka ka boholo ba lōna. Ha le soabe.

<sup>68</sup> 'Me lōna batho, ka baka la lipolotiki, ka hobane u le Modemokrate ea mochichana hakaalo, le voutetse ntho e joalo ka eo, le rekile ka boholo ba lōna ba bo-Amerika le Bokreste, ho le hapisa seotsoa se re busang sechabeng sena, se re fetotseng seo re neng re le sona. Na le bona kamoo esale e khasetsa kahare? Ha hobebe feela, ho fihlela hona joale a hloele terone. Ehlide! Terone ea White House.

<sup>69</sup> Shebang! Ho se ho entsoe... Na le bone taba e maloka le likolo tsa Katolike le likolo tsa Protestanta tsatsi le leng? Ho tšehetsoa sekolo sa Katolike empa e seng sa Protestanta. Lea bona? Oh, moena! Le shebe leqhubu la lintho tse tla hlahlama joale. Lemohang, 'me joalo ka ha ba e entse, shebang se hlahlileng. Sebe sena sohle se qhobellanang. Ho fihlile moo 'me sechaba sena se fihlile maemong ao a reketlang.

<sup>70</sup> Lilemo tse 'maloa tse fetileng, mohla ba neng ba fumana... mohla ma-Pentekosta a hlhang la ho qala, e pholositse sechaba lilemo tse 'maloa tse fetileng mohla Al Smith a tlang ho iketa. Amerika e ne e tseba hantle mehleng eo. Empa Pentekosta ea tšoasoa ke lefatše ea kena hantle ka hare 'me ea reka ka litokelo tsa eona joalo ka Mokreste, ho lipolotiki, 'me lipolotiki li behiloe ka pel'a Bibebe. Oh, banna!

<sup>71</sup> Joale, motsotsa feela, 'me le shebe ka moo taba ena e bitohang. Joale, re fumana seo ba se entseng le lintho tseo ba li entseng, re e bona e bapisa le mona ka nèpo, sebe se mahlakoreng ofe. Jesebele o kene, o loile batho bohle. 'Me le lemohe, qetellong,

a qala a hahela Baalime lifika tse khōlō. Na ho joalo? 'Me baprista ba Baalime ba hatellane ba hlaha ka makhalo 'ohle ho kena tulong eo, ba qala ba silafatsa mafatše ka tšebeletso ea Baalime.

<sup>72</sup> Ba shebeng ka moo ba entseng, le ba shebe ka moo ba keketseng ka hare. Lintho tseo ba li entseng feela, shebang moo ba leng teng kajeno. Le shebe Bokatolike ha bo e metsa, bo e metsa, bo e metsa; ho e nyalla, ho pshatla sena, hantle seo Daniele a boletseng ba tla se etsa. Tšepe le letsopa li ke ke tsa momahana, empa ba ka tsoakanya lipeō tsa bona, ho pshatla. Ngoanana ofe oa Protestanta ea nyaloang ke moshanyana oa Mokatolike o tlameha ho holisetsa bana ba hae Makatolike. Tsohle ka mokhoa oo, ho nyala, ho tsoakanya, ka mokhoa oo ho fihlela United States eohle e jeloe ke seboko ka botlalo.

<sup>73</sup> Rōna limishinari re tla etsa'ng, ha re tsoela Amerika Boroa ho lokolla le karolong ea lefatšeng lohle, Tommy Osborn le bao, ho leka ho honyolla batho boheteneng boo 'me ba ka supa morao ha thoe ke rōna ba khethileng moetapele oa rōna, le eona ntho eo. Oho, Molimo. Ho tla—ho tla etsahala'ng ka lefatše lee? Taba ena e tlameha ho retlekisa e mong le e mong ka mona. Re tla araba joang? Limishinari li tla re'ng mohla ba reng, "Le tlide koano ho re loela nthong ena, athe batho ba lōna ba e hlomme hona hoo ofising ea lōna, ho hloesoa terone"? Ebe re tla khona joale ho... Eng...

<sup>74</sup> Phetla maqephe a nalane morao, phetla morao u bone haeba e—haeba ka nepahalo, mohlomong, haeba ketso eo e sa hanane le molaetheo. Ba ka be ba sa e etsa lilemong tse fetileng empa, lea bona, re rekile ka litokelo tsa tsoalo ea Bokreste ba rōna lipolotiking, 'me liabolosi o khona joalo ho hahaba a kena. Akabe e ne e se letho haese sekao-hlooho sa Jesebele feela. Ke phetho seo ntho ena e tlang ho ba sona, sekao-hlooho feela. A ke ke a e phethisa ka sebele sa hae, empa tsamaiso eo e ka mora hae e tla mo khannela teng. Hantle haholo! Nyatha letsoalo la hao, uena Mokreste. Iphaphamise, ho phirimile ho feta kakanyo ea hao. Maemo ao re leng ho 'ona, maemo ao ba neng ba kene ho 'ona, le ka moo ba itlohetseng ba ba bohlasoa.

<sup>75</sup> Pelō e khōlō e lerato ea Molimo e tlamehile e be e hlabile mokhosí, e lla, hoba A bone batho ba Hae ba boromuo. A ba behile mohlala, lichaba tsohle tsa hlaha ka makhalo hobane Molimo a ba hlohonolofalitse, ho ba bona ba kopane bonngoeng. Ka semoea, ba sebeletsa Molimo. Le ho nahana hore O—O labalabetsé ho ba bona ba khutlela leratong la bona la pele ba etsa ka ho loka, ba mpa ba ritsa ba sa khaotse, ho ritsa, ho ritsa, qetellong ha ba ha kena Jesebele. Re entse joalo hantle. Re bile mahoholi a fapohang melaoana ea Kreste. Enere ha Molimo o roma bareri ba Oona sechaba ka bophara, ba rerile khalalelo, Pilgrim Holiness, Manazarene, Mapentekosta, "Khutlelang ho Molimo! Khutlelang ho Molimo!"

<sup>76</sup> 'Me likereke tsa mehla ea khale tsa molapo o moholo tsa iqabola tsa soma. Ho bile ho akha le balumeli ba bangata ba khemang le seojaole-joale, hobaneng, ba nyatsitse sohle se entsoeng ke banna bao 'me ba itse "E ne e le sa diabolosi." Ea etsa'ng? Kereke ea qala ea e mamela, bongata bo qalile ba e mamela. Ntho ea pele lea tseba, "Efèla ha mosali oa Mokatolike a khona ho tena lintho tsa mofuta ona, le Protestanta e ka khona. Efèla ha kereke ea Katolike e ka etsa sena, le Protestanta e ka khona. Hape haeba Methodise e ka khona, le reng ka Baptise? Hape haeba Baptise e ka khona, ho ka thoeng ka Mapentekosta?"

<sup>77</sup> Lea bona, litsamaiso tse entsoeng ke batho li le kenyang hona moo. Alleluia. Ke 'neta. Ke khahlano le eona ke hona, hobane Lentsoe la Molimo le khahlano le eona. Litsamaiso tse entsoeng ke batho: Molimo o khahlano le eona, Lentsoe la Oona le khahlano le eona, baporofeta ba Oona ba tla ema khahlano le eona, bahlanka ba Oona ba makoma ba tla ema khahlano le eona, bohole ba tsoetsoeng ke Moea oa Molimo ba tla ema khahlano le eona.

<sup>78</sup> Le shebe ka moo Iseraele a khonneng kateng, ka moo ba hohotsoeng ke sekhhohola, ho feleng ha fihla Jesebele. Shebang ka moo Amerika e khonneng, ea hoholoa ke sekhhohola sa lefatše, qetellong Jesebele o bile a hloella terone. Ke hantle. Joale, ka tsoanelo Jesebele o ne a sa lula terone ea Egepete... kapa, terone ea Iseraele, empa e ne e le hlooho e khōlō e futhisang terone. 'Me bolaoli ba kereke ea Katolike ha bo a hloella terone ea United States, empa ke tsamaiso e futhisang hobane o e nyetse. 'Me Bibele e boletse, naheng ena, ba tla bopa "setšoantšo se kang sa sebata."

<sup>79</sup> Oh, moena, khaitseli, molato ke'ng? Be, ke—ke tseba lebaka. Bibele e ba boletse ba tla fetoha mongoaha ona oa Laodisea, 'me ke hona moo re leng teng. Hona joale le ka ntlhoea, empa tsatsi le leng che mohla u fumanang seo 'Nete. U ka hana ua ema 'me ua tsoa moahong u ntse u tila, hoo ho supa ho hloka thuto ha hao. Empa u tla eleloa tsatsi le leng, tsatsi le leng o tla lakatsa 'me u tsebe hore ke 'Nete! Ke E bua ka Lebitso la Morena! Ke ipeha sekhopi, qetellong e tla nkisa lebitleng. Ke tla ba paki ho fihlela ke shoele, ha Molimo o ka nthusa. Ke hantle.

<sup>80</sup> Ke rōna bana re maemong ana, a rōna kajeno, tsohle li ikela joalo. 'Me Iseraele, ka moo Akabe a khonneng, sekao-hlooho sa Jesebele ka hobane e le eēna ea neng a mo nyetse. Amerika, moetapele oa rōna, ho tlie joang.... Ana le tsebile moetapele oa rōna e ne e le morui? Ba e tsebang ba ba kae? Ralimilione tse ngata. Motho o mpoleletse, makasining kapa radiong ea mofuta kapa thelebishebe kapa ho hong, Jack Benny kapa motho e mong o entse e.... Ernie Ford, kea kholoa. Motho o buile a re "Ntata'e o mo thusitse ho hapa mabatooa a mabeli a neng a sa a hlola." O batla a busa ntho eohle. O e fumane joang? Chelete

eo e tlie joang? Ka bomenemene ba whisky, le ba tahi. Lebaka leo a theotseng makhetho a whisky le lintho tseo. Ke tsona tse mo ruisitseng. Eona ntho pherehlantseng sechaba sa rōna, eona ntho e bolisitseng mehopolo ea batho ba rōna, ntho e fetotseng bashanyana ba rōna matahoa, le banana ba rōna ho ba liotsoa, o ruisitsoe ke mohloli oa chelete eo.

<sup>81</sup> Eona ntho eo, tsamaiso ea Jesebele oa khale, eona ntho e hlorisitseng batho ba rōna, eona ntho e ba hulantseng (ho ba sunya Boromeng) ea ba chesa ea ba harola ea ba etsa eng le eng, 'ona mali a bashoelatumelo (Bibebele rialo) a fumanoe ka ho eèna! Ke bao, ba nyalane. 'Me rōna ma-Amerika re therekesella pele joalo, "Oh, be, re fumana phaello ea didolara tse 'maloa 'me re thabile. Re hatetse pele ho feta lichaba tse ling." Empa, moena, bea butle motsotso feela.

<sup>82</sup> Ha re e tšoareng letere ka letere joale, metsotso e 'maloa e latelang, ho bona se hlahileng.

<sup>83</sup> Bareri ba khema 'moho, ba ineanya le bona, ba khemisana le bona, tsamaiso eohle. Tsamaiso eohle ea mo-Iseraele ea sheshenoa le Jesebele 'moho. Ba bolokile sebopreho, ee. 'Me na Bibebele ha ea re borella matsatsing ana a bofelo re tla ba le "sebopreho sa borapeli"? Liporofeto tsohle li phethiloe, moena, re qetellong! Sechaba ka bophara, re qetellong! Ka moea, re qetellong! Tsamiso e 'ngoe le e 'ngoe e qetellong! Ntho e hlahlamang ke ho khutla ha Morena le phethoho ea Kereke.

<sup>84</sup> Molimo o rometse pontšo e 'ngoe le e 'ngoe, mohlolo, ho etsa sohle seo A se khonneng, ho leka ho bitsa batho, 'me ha ba phetse ho hoaballa ba pompetse. Shebang motse ona hantle, shebang naha ena ka mathoko mona, e tletseng makholo le makholo a mashome a batho ba Pentekosta; 'me ka baka la ho emela 'Nete, ba kae thapama ee? Hobane motho o ba laetse ho se tšehetse kopano. Uena mofutsana tooe, ea lonya... Molimo a u hauhele, ke phetho seo nka se buang. Haeba uena Mokrese lesapo la mokokotlo ua hao le sa fete mono, lesapo la lōna ke la sekhaba sebakeng sa lesapo la mokokotlo. Hantle! Seo re se hlokang ke ho "rera Evangeli e metseng meno," e tla khabela ntho eo maqhetsoana. Ho tsamaea ka ho tšoana le bona feela, le ntano ipotsa hobaneng re hloliea ka eona. Hape, lea bona, u a "khesolloa." Ke e lebeletse, ke tlamehile joalo.

<sup>85</sup> Sena sohle se ne se hlalehe Iseraele. Qetellong, tsatsi le leng, feelleng ho tsoile, motsofe oa mothaka ea makhisa ea tilang, Elija mo-Thishbe. A sa tsoe mekhatalong efe, o tsoile feelleng! A sa amane le bona ka letho. E ne e le moporofeta oa Morena. Moena, a reketlisa 'muso oo oa Jesebele le tsohle tse ho eona. Ba mo hloea. A sa tšehetsoe, mono nka le tiisetsa. Bibebele ha e rialo. Ruri. Bo-Jesebele bao ba takiloeng lifahleho a ba "futhisa," kea kholoa. Selepe a se beha motsong oa sefate joalo ka Johanne, liphatsa tsa fefohela moo li batlang teng, feela a se beha mono. A reketlisa

sechaba, a ba supisa molato oa bona, le ho leka ho ba khutlisetsa ho Molimo oa 'nete le o phelang, le morao Lentsoeng la Oona sebakeng sa tšebeletso eo ea Jesebele.

<sup>86</sup> Ba entse'ng? Na ba mo amohetse? Ba mo hloea! Empa Lentsoe la hae la tsoella ka ho tšoana, hobane a ne a tšoere HO RIALO MORENA! Molimo oa sebetsa le eèna, ho mo supa e le moporofeta ea tlotsitsoeng kaha lintho tseo a li boletseng li etsahetse. Le tsohle tseo a li entseng li mo pakile e le moporofeta oa Molimo. Empa koana ba hanne ho E lumela, hobane o harotse mantloane a bona. A ba bolella hore ba "Phoso!" Akabe e ne e le santata oa nakoana. Ehlide! 'Me lemohang hoba ha ba ka ba lumela ho eèna, feels a Le rera ka ho tšoana. Ho se e mong oa bareri ba lumellanang le eèna, o itse, "Ke setse ke le mong feels, Morena. Ba shebe, ba hana le ho... le a mong, ha ho ea sebetsang 'moho." Empa a tlameha ho phethisa thomo 'me o e phethile. O ne a tšoere Lentsoe la Morena, HO RIALO MORENA! 'Me a futuhela sechaba, a futuhela kereke, a futuhela sohle se neng se le teng, 'me Molimo oa ema le eèna!

<sup>87</sup> Re tšepisitsoe, matsatsing a qetelo, a tla boea hape naheng ena. Kea tseba, Jesu, mohla... Mattheu 17, mohla ba Mo botsitseng, "Hore'ng Bangoli ba re, 'Eliase...?"

<sup>88</sup> Le shebe seo A se buileng, "Eliase e ka khona a tle pele," lefetile, pre-... ke lekhathie le tlang. Empa O behile mohlala oa Johanne. Johanne e ne e se Malakia 4. Johanne e ne e le Malakia 3, "Bonang, Ke romela lenqosa pel'a Ka, ho hleka tsela."

<sup>89</sup> Malakia 4, O itse:

Pele letsatsi le leholo le le tšabehang la Morena le fihla, mohla lefatše lohole le tla chesoa joalo ka mooko; pele ho letsatsi leo, Ke tla romela Elia.

<sup>90</sup> 'Me e ne e se Johanne, ka ha Morena a sa ka a chesa lefatše mohla Johanne a ttileng. 'Me ha u ka lemoha, le khaolong ea ho qetela, temaneng ea ho qetela, O boletse, "'Me o tla (sheba; he, ea buang...) busetsa lipelo tsa bontate ho bana, le lipelō tsa bana ho bontate."

<sup>91</sup> Joale shebang! Johanne oa pele ea ttileng, Elia oa pele, o entse'ng? O tlie a hlahisa Molaetsa 'me a busetsa lipelo tse thata tsa boramolao ba khale tumelong ea kereke e ncha, bana. Empa mohla Elia ea latelang a ttileng, nakong ea qetelo, o tlameha ho khutla 'me a nke e-e lipelō tsa bontate... lipelō tsa bana, ke rialo, le ho li busetsa Tumelong ea bontate ba pentekosta. Na le bona phapang? E ke ke ea e-ba e mong oa bana *ba-reiloeng-joalo* bao re ba fumanang kajeno, o tla khutlela ho Liketso 2 hantle le ho qalisa mono hantle. O tla rera Evangelie sa lubakanang, ho bua feelsa seo Petrose a se buileng ka Letsatsi la Pentekosta, hoba seo a se buileng ka Pentekosta se nètefalistse Mangolo 'ohle tsela eohle. A ke ke a ithara le mokhatlo oa mofuta, mohla Elia a tlang. O tla hloea basali joalo ka Elia ha a entse, joalo feelsa

ka . . . kapa basali ba babe, joalo ka Johanne ha a entse. E tla ba morati oa lefeella joalo ka bao mohlang oo. A ke ke a tenyetseha. Re mo shebeletse ho fihla. O tla fihla! Molimo o 'moletse joalo, 'me o tla fihla mona!

<sup>92</sup> Kea lumela, haeba ntho e le teng, Molaetsa oo re o tšoereng kajeno o tla lelekela ho khutla ho hoholo hoo ha hae. E, monghali! O tseleng ea hae e tlang, o se a tsoetsoe. Joalo ka Elia, le ho bitoha lefeelleng, kae-kae o tla itsebisa. O tla rera Liketso 2. O tla khutlisetsa Tumelo ea bontate bana ba khale ba Pentekosta hantle morao ho . . . tumelo ea bana bana ba pentekosta, hantle morao Tumelong ea bontate ba pentekosta. O tla toba hantle, morao ho Liketso 2, Liketso 2:38, le ho haola joalo. O tla tlisa Evangeli ea mannete, esa tsoakoang. A ke ke a amana le Jesebele le tsamaiso ea hae ka letho. E tla be e le mohlanka oa Molimo. Ehlide bo! Bibebe e 'moletse a tla fihla. O tla porofeta 'me a kharume Molaetsa oa hae ka pel'a sefahleho sa bo-Jesebele bana, joalo ka Elia ha a entse qalong ho Iseraile. Ba tla mo hloea! Ba ke ke ba sebetsa le eēna. Che, che. O tla tla! Molimo o e tsepisitse, 'me o tla hlaha temeng. O tla—o tla rerela Kereke ea Bakhethoa joalo ka ha E boletse a tla etsa, ho sisinya Bakhethoa bao, ho hlohlora ho phatsima ho eona, e—e lefatše le lintho, ho e hlohlorela fatše, ho e belisa e qhibilihe, ho teanya Kereke 'moho, batho.

<sup>93</sup> Kea tseba u re, "Ke mokha oa bolumeli ba ka oo." Moena, u phoso! Johanne o tlie e le tsamaiso ea pulumo ea moema-nosi ho tumisa Monna a le Mong: Jesu Kreste. 'Me Elia e ke ke ea eba tsamaiso, e tla ba monna, Jesu o boletse joalo. E tla be e le monna a le mong ea tlotsitsoeng ka Moea o Halalelang. 'Me a ke ke tumisa melimo efe ho e merarō kapa e mene, o tla tumisa o le Mong: Morena Jesu Kreste, hobane Molaetsa oa hae o tla reketlisa bana ba pentekosta ho khutlela morao Tumelong ea bontate hape.

<sup>94</sup> U hopole, moena, efèla ha ke bua lintho tsena ho khohlalala, ke hloka ho ba aletareng. Ke u bolella, "HO RIALO MORENA!" Haeba Molimo a e-so nētefatse hore ke u boleletse 'Nete, sechaba ka bophara, lefatše ho pota, mpolelle moo phoso e hlahleng. Ke u'bolella 'Nete! Khutlela ho Molimo, ka potlako! Tsoa litsamaisong tsena, hoba Bibebe e boletse Bukeng ea Tšenolo, ha thoe bolaoli ba Roma e Katolike e ne e le "seotsoa," 'me e le "'m'a lihlola." Ntho eo ke'ng? Likereke, litsamaiso.

<sup>95</sup> 'Me kereke ea Methodise, kereke ea Lutherane, e tsoile kae? Methodise e tsoile kae, Baptise, mekhatlo eohle e tsoile kae? Molimo ha o eso hlophise kereke. Kereke ea Katolike e boletse e le bona ba qalileng morao mono, "Jesu o hlophisitse kereke." Ke batla—ke batla lehlaku la histori, kapa leqephe la Bibebe. Ha ho a hlaha mokhatlo lilemong tse makholo a mararō le metso e tšeletseng ka mora lefu la moapostola oa ho qetela, eaba ba bopa Lekhotla la Nicene 'me ba bopa mokhatlo. 'Me eare ha

Luther a etsoa . . . e ne e le monna e moholo oa Molimo, empa hang hoba a tsamaee, sehlotšoana seo sa batho sa tloha 'me sa bopa mokhatlo o mong. Eaba Moea o Halalelang o tsoa o theohela holim'a John Wesley, ha a eso hlophise letho, empa hoba a tsamaee ba hlophisa. Eaba Moea o Halalelang o kena ka Mapentekosta, 'me ba tsoile ho Methodise. 'Me ha etsahala'ng? Eaba ba hlophisa.

<sup>96</sup> Empa ho tla tlaha tsamaiso ea monna a le mong ea tlang ka matla le ka tlolo ea Elia, ho phethahatsa seporofeto. Alleluia! O tla e reketlisa. 'Me, hopolang, o ba porofetetse, a ba a porofeta, a ba bolella lintho tsohle, 'me Molimo oa sebetsa le èèna. Empa Molaetsa oa hae oa ho qetela eibile ho futuhela White House. Uh-huh. Mohla Johanne a tlileng, Molaetsa oa hae oa ho qetela oa futuhela White House ea letsatsi leo. Molaetsa oa ho qetela oa Elia, mohla a tlohang a theoha tseleng hoseng hoba a tsoe ka pel'a Sefahleho sa Molimo ka ntle mane, a theoha ka tsela meriri ea hae eohle ea khale e hasane hohle holim'a hae, hlooho ea hae e lefatla e phatsima, matšoala a ntse a fefofa, mahloana ao, a khale a tlokoma khanya ea Molimo. Lere leo le letsohong la hae, le maoto a hae a tsitsitse ka moo a ka khonang. O ne a etsa'ng? A theoha hantle a tsoa Samaria a kena ka pel'a sefahleho sa White House, le ho re, "HO RIALO MORENA!" A sa tsabe letho. Likereke li ne li mo hlobohile, batho ba mo hlobohile, ka hona joale o lebisa hlaselo ea hae ea ho qetela, holim'a White House.

<sup>97</sup> Eaba ho etsahala'ng ka mora moo? Mamelang! Ka mora phutuho eo, lentsoe la hae la khutsa, ha a hlotse a utluoe ke motho. Molimo oa mo tlosa temeng, ho re, "Elia, u se u tsebisitse Iseraele eohle Molaetsa oa hao, ba O tseba. Joale nyolohela koano nahathote, ikhule ho bona, ikarole hobane Ke ttil'o etsa ho hong. Ke ttil'o ba bontša seo ho latola Molaetsa oa Ka ho se bolelang." Ha kena eng? Ntoa, tlala, sekoboto.

<sup>98</sup> HO RIALO MOEA O HALALELANG, "Shebang se tlang ho tla! Shebang se tlang ho latèla! Ho tlide tlala, tlala e tla *fihla!*" Oh, mohlomong ha se ea bohobe, empa ea ho utloa Lentsoe la Molimo le 'Nete ea Oona. Likereke tsohle li tla itaha menateng 'me li tsoelle hantle ka ho tšoana, joalo ka ha li se li metsitsoe ke eona.

<sup>99</sup> Elia o entse'ng? O sibolotse molatsoana o patiloeng, holimo koana thabeng moo a fumaneng Metsi a itseng a Bophelo, litšenolo tse Khetehileng tse tsoang ho Molimo a sa lutse mono tlas'a matla a Molimo. Litšenolo tsee e leng melatsoana e patiloeng, athe ba bang bohole ba ntse ba bolaoa ke tlala. 'Me Molimo o hlohonolafatse bahlanka ba Oona (makhoaao), a mo tliselitse ho jeoang mohla a khaotsoeng bathong. 'Me ba le tlase mono ba bolaoa ke tlala ea tsoseletso 'me tsohle li etsahala. [Sekheo lebanteng—Mohl.] "Ho thotse ka litsoseletso tsa hae mane . . . Motsofe eo oa lehlanya le likolohang le phatlola mekhatlo ea röna le kae? O kae joale?" Ha ba tseba letho. A

ikhulela boinotšing le Molimo, ka ntle koana tulong e itše hlileng thajana moo ba sa utloeng lentsoe la hae. Eaba ba qala ba bona.

<sup>100</sup> Molimo ha o romela Molaetsa 'me batho ba bolelloa, 'me ba sa O amohele, O honyetsa bahlanka ba Oona le ho romela likotlo tsa Oona: tlala, lefu (ha re bua ka moea, le la nama hape). U shebelle sekoboto, moena. Le re le bone letho, le eme ho fihlela ka mora nakoana. Ha le eso bone letho. Le re le bolaoa ke lephak la ho bona tsoselotso e enneng ea moea, ema ho fihlela ka mora nakoana. Ema feela, ho labalabela ho utloa Lentsoe la Molimo. Bibebe e boletse joalo! "Tlala e tla fihla matsatsing a bofelo," moporofeta o boletse, "me ha se ea bohobe le metsi feela, empa e le ea ho utloa Lentsoe la Molimo la 'nete." Empa kolu eo e tla be e khutsitse, koana lefeelleng nq'a e 'ngoe, e patiloe.

<sup>101</sup> O tlotsitse makhoaba, bahlanka ba Oona. Hlohonolofatsa linonyana tseo, bahlanka ba Oona, ba babaletseng lentsoe la—la Elia le phela mehleng ea khesollo ea hae—ea hae hole le kereke. Makhoaba a mo tliselitse nama le bohobe hoseng, le nama le bohobe mantsiboea, 'me a noa selibaneng athe ba bang bohle tlase mane ba hloka lijo tsa moea le metsi.

<sup>102</sup> Eaba tsatsi le leng, hoba sebe se qhobellane hakana, 'me Molimo o hlaoretse batho ba Oona mangoleng a bona . . . Jesebele o ne a sheshenne lintho tsohle, a e fiela kaofela, 'me o tla boela a e phetha! Hoo ke HO RIALO BIBELE EA MOLIMO E HALALELANG, "O tla e phetha hape." Hona joale o lutse teroneng hantle, ka morao ho sekao-hlooho; o se thintšetsa hohle moo a batlang, ha ho ea ka mo thibang. Ruri, a ke ke a thibjoa ke motho joale, hobane se ba sitileng lilikalkoeng tsa borapeli ba se betlile ka lipolotiki, 'me ke bao ba e phethile mono. Uh-huh, ke hantle seo ba se entseng. Etsoe, khato ea sepolotiki e tla ba khanyetso e khutlelang hantle ho letšao la sebata, ka ho tiea joalo ka ha ke eme mona, lea bona, Bibebe e boletse joalo.

<sup>103</sup> Kea tseba nako e phirimile, ke tla potlaka. Ke tlameha ho kenya lentsoe lena la ho qetela, ha Morena a ka ntumella.

<sup>104</sup> Shebang! Elia a lula holimo mono ho fihlela Molimo a mo tlotsitse. A sa tšoare litsoselotso. A sa rere khahlano le letho. A ikemela holimo mono le Molimo ba inotši, ka ntle koana feelleng, hoba e ne e le monna oa lefeella. O holetse lefeelleng. Le joalo Johanne o holetse lefeelleng.

<sup>105</sup> A tsoa a kena lefeelleng ho lula le Molimo ba inotši, a tlosoa kerekeng hoba a porofete Molaetsa oa hae. 'Me kereke e O latotse, ho O latola. 'Me qetellong mekhatlo e sa khone ho etsa letho, ka baka leo a tlameha ho tsoela ka ntle feela. Molimo oa 'mitsa oa mo tlosa temeng, oa mo romela ka ntle lefeelleng, ha thoe, "Tsoela ka ntle mona, ha ba sa tla mamela. Tloo koano, 'Na ke tla ba tšollela kahlolo ea Ka." Oh, e, o tla fihla mona le leng la matsatsi ana, le shebe.

<sup>106</sup> Eaba, hoba matsatsi a boporofeta ba hae a fete, ha etsahala'ng? Kereke ea likalika, ha hlaha tšokelo e khōlō ea Jesebele, a ba hlahlela bohle ka sebele sa hae, ho metsa ntho eohle. A li hapa ka sebele sa hae, a lema mefero ea meru le ntho eohle esele.

<sup>107</sup> Empa, tsatsi le leng, Molimo oa boela oa 'mitsa! Ke enoa a bitoha. Sekehetsa tsebe joale, se nkhalafele. Ke re, "HO RIALO MORENA!" Mohla a tsoileng, Molimo oa etsa'ng? O mo rometse ho mosali oa mohlolahali. A kile a—a okameloa ke matla a monna holim'a hlooho ea hae, empa ho nkile lefu ho mo lokolla hore a tle a lumele Lentsoe la moporofeta. Na le elelloa taba eo? A kile a ba le monna ea mo alosetsang ka mona le ka mane, ho se seng sa likolo tlase mane. Empa mehleng ea komello e khōlō ena, a metsoa, lefu la mo tlosa. A sa hhole a qhanehiloe mokhatlong ofe, joale a le malala-a-laotsoe ho utloa Lentsoe la Morena. Mosali, o lekanya Kereke; mohlolahali, monna oa hae (mokhatlo) a shoele, 'me o hopotse a phela ka lenqenqe feela. 'Me Molimo o itse, "Theohela ho eèna joale, o tla u mamela, Ke se ke mo laetse."

<sup>108</sup> Oh, ka linako tse ling rea nahana, uena seholtošoana se holimo mono se tšepehang hakana 'me le sebetsa ka bokhoni bohle ho hlophisa kopano, ho leka ho supisa batho hore pelō ea hao e lokile le hobane u batla ho ba lokisa, le re le hula ka tlhako ea morao. Empa, le hopole, Molimo o behile leihlo la Oona holima hao! Lea Mo rata, kea tseba lea Mo rata, le be le sa tlo lula mona, le ka be le sa etele letho le joalo. Molimo o behile leihlo la Oona holim'a lôna. E!

<sup>109</sup> Hoba a etse, monna oa hae a se a shoele, mokhatlo oa hae o shoele, joale o malaa-a-laotsoe ho utloa Lentsoe la moporofeta. Eare ha moporofeta a fihla khorong a mo kōpa e—e metsana, a tloha ho ea a lata. Eaba o re, "Ntlisetse le bohashana ba phofo."

<sup>110</sup> 'Me a retoloha a re, "Ka Morena ea phelang, ha kea tšoara letho haese ho lekaneng feela."

<sup>111</sup> Joale, ea ka o rometsoe ho nka lethonyana la hae, e ne e le fa-o-fa-fi. Hoba a ikemiselitse ho tšehtsa Lentsoe ka lethonyana la hae, Molimo o mo fepile. 'Me ha u ikemiselitse ho nehelana ka Moea ofe oa hao, Moea ofe oo Molimo a u fileng ho tšehtsa Lentsoe, Molimo o tla o baballa u phetse. Alleluia! Oh, khanya ho Molimo! Lea e bona, kereke? Le se nkuke ke roalehile, ha ke joalo. Empa seo u se tšoereng, lethonyana leo u lumelang Molimo ka lona, tumelo eo u nang le eona, e tšetlehe Lentsoeng, e seng holim'a mokhatlo! E behe Lentsoeng la Molimo, O tla u baballa u phetse.

<sup>112</sup> O ne a le malala-a-laotsoe joale, athe pele o ne a sa khone, ka ha ba sa mo lumella. Empa joale o malala-a-laotsoe. Na ebe o tla e amohela? Molimo o rometse moporofeta tseleng ea hae. Na ebe o tla amohela Lentsoe la hae? Na ebe o tla amohela moporofeta enoa? E, o entse joalo. 'Me o 'moleletse, ho itsoe,

“Joale, bopheloana bofe bo u saletseng, bo nokele ka mona, ntlisetse bona pele.” ’Me ha etsahala’ng? E ne re mohla lefatše lohle le shotang le bolaoa ke tlala, eèna le bana ba hae le ba ntlu ea hae ba jele lijo tse enneng hararō ka letsatsi, tšenolo e Khethehileng Lentsoeng. Kea tšepa lea e bona, metsoalle.

<sup>113</sup> Eaba ho etsahala’ng? A lula mono tlala ea ba ea fèla, a phela le mosali enoa (Kereke ena) e mo amohetseng ’me e lumetse Lentsoe la hae. ’Me a mo baballa a phetse (ho baballa Kereke e phela) ka Lentsoe la Morena, hobane o itse “HO RIALO MORENA.”

<sup>114</sup> Joale, nako e re phirimella ho phetha pale eohle, lea tseba, ka moo a kileng a tlameha ho kolochana le Baale mohla makhaolakhang. O tla e etsa, le leng la matsatsi ana, le se tšoenyeh. Mohla a tsoang a tila feelleng leo, le shebe se etsahalang.

<sup>115</sup> Ho etsahetse’ng? Ea re ha Elia ea lokileng, oa motsofe, moporofeta, mohlanka oa ’nete oa Molimo, a fihla qetellong ea tsela ea hae, Molimo oa ’molella, tsatsi le leng, ha thoe, “Elia, u rerile halelele ho lekana joale. U loantšitse Jesebele le ferefe eohle ea hae le sohle ho fihlela e u tenne.” Ha thoe, “Theohela Jordane!” ’Me ke enoa a tloha, ho fihla tlase Jordane. Molapo oa khale o lukehileng o phalla o lepella mono, o hatsetse, metsi a le serame, joalo ka ha motho e mong le e mong a tlameha ho e toba: Jordane, lefu.

<sup>116</sup> Empa mohla mohlanka e moholo enoa oa Molimo a theohetseng Jordane, ’me mora oa hae a tsamaea lephakong la hae, mora oa Evangel, . . . Oh, e, e ne e le mora oa hae, “Ntate, ntate, makoloi a Iseraèle, le bakalli ba ’ona.” Mohla eèna le mora oa hae ba tsamaeang ba tšoarane ka liphaka, ho theohela Jordane, keha a behile ntat’ae leihlo ha a falla hoseng hoo.

<sup>117</sup> Ha a fihla Jordane, a inama eaba o sela kobo eo ea matla e tsoang mahetleng a hae, ho re, “Uena lefu, u ke ke ua nketsa letho.” ’Me a phutla Jordane, “Sutha, hoseng hona kea tšela.” Ha etsahala’ng? Ea checha ea omella joalo ka phofshoana. Moporofeta eo oa khale o ne a etsa’ng? O ne a shebile mose ho Jordane, o tsebile koloi ea lipere e mo emetse mose oane. A tla ea hae, mosebetsi oa hae o fetile. Mora oa hae oa Evangel a tlatsa malulo a hae.

<sup>118</sup> Ha ke theohela lapeng tsatsi le leng ke tsoa Bophirimela. Taba ena ea mphihlela. Ka bulela radio (ke ne ke qhobile matsatsi a mararō, limaele tse likete tse peli le makholo a mane, ke le mong). Ka bulela radio ’me ka . . . ho mamela lifela tsa Del Rio, Texas. Monna a ntse a bua ka leqheku, la ’mala, monna oa monegro. A itokisetsa ho shoa ’me a tlameha ho theohela nokeng, a re, “Ke tla khoesa meqhathatso eo ea gauta, ho hata literata tsa gauta.” Leqheku lena la monegro le rerile bophelo ba lona bohle ’me boikhathollo feela ba hae boo a ka bo nahanang, a

bo flueng, e le katara ea hae ea banjo ea khale e leketlileng leboteng. A lule holima mekotla ea boea a letse lifela, a phomotse bosebeletsing ba hae, ka banjo ea khale. E le oona feela mokhoa, oa ho phomola. A ipolela pere ea hae ea khale ea qhana e mohatla o litšohlo e tla ema tlase mono e hoketsoe koloeana. Ke ne ke nahanne ka bona. A re, "Ke tla khoesa meqathatso ea gauta, ke tsamaee literata tsa gauta."

<sup>119</sup> 'Me hoba a qete ho bina, ka koala radio. Ka tsamaea mono, ke fuparetse lebili. "Oh, ke hantle. Le 'na ke tlameha ho theohela mono. Nkile ka tselisoa ke'ng? Lefelleng ke tselisoa ke'ng?" Ke na le nthoana, sethunya sa khale se bitsoa... Ke tsoma ka sehla sa selemo. Ke .270, motlolo oa 721, Remington. Monna e mong, moena, o mphile sona, koana California, lilemong tse fetileng. Ke tsomme ka sona lilemo le lilemo. Ka moo... eibile matšeliso a makakang, hobane ke—ke se tseba se thunya hamonate, 'me ke matšeliso a ka feelleng.

<sup>120</sup> Eaba ke nahana pono ea ka. Mohla ke tšeletseng koo moo ke boneng batho beso bohole, ka utloa ntho e lla, 'me Prince oa ka e monyenyanke enoa a e tla (perenyana ea ka ea qhana) ea tsetleha hlooho ea eona ka lehetla la ka. Ka nahana, "Ehu, hoseng ho hong le 'na kea theoha, ho ea Jordane." 'Me .270 ea khale eo nkileng ka... e fanyehiloe leboteng. Ha ke eso se theole ho tloha sehleng se fetileng sena. "Perenyana eo ea qhana, Molimo o tla e qhaneha koloing ea ka, hoseng mohla ke theohelang lelibohong." E tla be e eme mane mose ho leliboho. Molimo o tla e romela, ke e bone bosiu bo bong. E tla qhanehoa koloing ea ka, hoseng ho hong hona. Ke tla tsamaea, ke tla phollelsa le maru.

Ha re rapeleng.

<sup>121</sup> Oh, ke tla thabela matla ao a Molimo mohla ke tsamaeang literateng tseo tsa gauta! Yaa, sethunya sa khale se leketlileng leboteng joale, ha se sa tla sebetsa lekhatheng leo. Ke ipotsa, haeba makoloi a ka a tla fihla na, haeba perenyana ea ka ea qhana eo ke e boneng ponong e tla be e qhanehiloe koloing ea ka, hoseng hoo, ha ke eme tlase lelibohong. Ke tsepa joalo. Ke batla ho nkuoa. Ke batla le Kereke ha e ka nyoloha joalo le eona, ke batla e mong le e mong oa lōna.

<sup>122</sup> Na u ka rata ho tseba mohla u tla fihla tlase Jordane? Na u tla tēla litsamaiso tse khopo tsena tsa lefatše lena ua amohela Jesu Kreste joalo ka 'Moloki oa hao? Ha u se Mokreste, na u ka phahamisa matsoho a hao ua re, "Nthapelle, Moena Branham. Mohla ke fihlang Jordane,..."? Molimo a u hlohonolofatse. Molimo a u hlohonolofatse. "Ha ke fihla tlase Jordane, ke batla ho ikhurumetsa ka matla a Moea o Halalelang 'me ke phutle metsi a batang, ke tšelete."

<sup>123</sup> Na u ka lula tlas'a puo e joalo, tlolo ea Moea o Halalelang, athe u tseba Moea o Halalelang o mpolella maemo a hao, 'me

u sa phahamise letsoho la hao? E supa nako ea leeto la lefeella e fihfile! E mong a ka ba teng pele re rapela, e mong hape? Ba babeli ba phahamisitseng matsoho a bona; ba bararō, Molimo a u hlohonolofatse, mora.

<sup>124</sup> Ntata rōna ea Maholimōng! Ba bararō; ho tla babatseha, Morena, ha ba ka ba teng feela ka letsatsi leo. Ke ba rapella joalo, Morena. Ba phahamisitse matsoho a bona ka ha ba khotsoe hoba litsamaiso tsa lefatše lena li a shoa, 'me kapele ho tla ba thata ho fumana likolu tsa Lentsoe la Molimo, Molimo o tla e tlosa kerekeng. Mohoo, kapele mokhosī oa Monyali o tla tloha 'me tsamaiso ea Jesebele e tla e bipa. Empa ba batla ho fumana . . . ho phela pel'a seliba se patiloeng seo joalo ka Elia ea neng a tla baballoa mehleng ea tlala. Molimo ba fe Moea o Halalelang joale, tlatsa lipelō tsa bona ka thabo le khotso, le ho tsepamisa likello tsa bona holim'a Lentsoe la Molimo ba tle ba phele hona joale le ka morao ho mona, ka mehla. Ba hlohonolofatse, Ntate. Ke ba Hao, ka Jesu Kreste Morena oa rōna.

Ka lihlooho tsa rōna tse inamisitsoeng:

<sup>125</sup> Bao ba phahamisitseng matsoho a bona le batla ho amohela Kreste, na le ka ema ka maoto a lōna feela, nakoana feela, ke sa le rapella ka bonngoe? Emang ka maoto a lōna feela.

<sup>126</sup> Oho Molimo, na ke hlollehile? Esita le ba bararō ba phahamisitseng matsoho a bona, ha ba kholiseha ho lekanang ho ema ka maoto a bona ho amohela eona ntho ea ba e etsang. Morena Jesu, ke e nehela eohle matsohong a Hao. Ke rerile Lentsoe la Hao, ke sa tenyetsehe ka letho. Joale ke—ke siea ntlu le bona, Ntate. Etsa ka ho rata ha Hao ka kereke le ka mohlanka oa Hao, ntho eohle e matsohong a Hao.

<sup>127</sup> Ntate, ke U rapela ho pholosa ba timetseng, khorisa ba lipelō li lapileng ka lintho tse molemo, ba nyoriloeng ba fuoe Bophelo Bosafeleng, lhahisa bahlanka ba Hao ho tumisa Molaetsa, folisa ba kulang le ba sotlehang, Ithuele khanya, hoba ke inehela 'moho le Lentsoe la Hao. 'Me letsohong la ka, le ka pelōng ea ka, le ka kelellong ea ka, ngola Melao ea Hao, ka Jesu Kreste Morena oa rōna. Amen.

Lelibohong ha tsatsi le phirimile,

Nke ke ka bina ntho eo.

Ha metsoalle e hlobohile;  
U tla ntšupisa tsela,  
Ha ke na tšela Jordane to.

<sup>128</sup> Na u ntšitse litlankana tsa thapelo, Bill? Ke ikutloa ke imetsoe. Ebe kajeno o abile eng? B? U abile le bo-A hape, ha ke re? Ho lokile, ba bitse. Bo-B pele, 'ngoe ho fihla ho . . . Setlankana sa thapelo sa B, palo ea 'ngoe. Re tlil'o rapella maloetse a lōna. B, palo ea 'ngoe, ke mang ea e tšoereng? Setlankana sa thapelo sa B, palo ea 'ngoe, motho e mong motšeо koana. Nyolohela

koano, leleiti. B, palo ea peli, phahamisa letsoho la hao. Ke leleiti leo? Palo ea tharō. B, palo ea tharō, na u ka phahamisa letsoho la hao hle, ke tle ke bone kae. Tharō? Palo ea 'ne, B, palo ea 'ne. B, palo ea hlano. Na u ka phahamisa letsoho la hao hle, B, palo ea hlano. Ke monna eo? Ho lokile, tšeleta, supa, robeli, robōng, leshome, leshome le motso, leshome-peli, leshome-tharō, leshome-'ne, leshome-hlano. Be, mona, bo-B bohole ba ke ba eme, le hona. Feelā . . .

Seo . . . [Sekheo lebanteng—Mohl.] . . . ho ea ka lefatše lohle, morongoa e mong le e mong tšimong, hohle moo ba ka khonang.

<sup>129</sup> Litlankana tsohle tsa thapelo tsa B li eme ho latela lipalo tsa lōna.

Joale, ho ne ho hlahlama life? A? Ea tšoereng setlankana sa thapelo sa A, ke mang? A, 'ngoe, e kae? Ruri e teng ka mona. A, 'ngoe? Li abiloe matsatsi a mabeli, kapa joale a mararō, li ka tsoha li le sieo mona. Bohle ba tšoereng setlankana sa thapelo sa A, joale folang mola ka mona. Emang pel'a lebota mona, ka hlompho.

<sup>130</sup> Ke batla ho qoqa le lōna ba sa tšoarang litlankana tsa thapelo, motsotso feela pele mola o qala.

<sup>131</sup> Joale, uena ea tšoereng setlankana sa hao sa thapelo, se tšoare matsohong a hao bashanyana ba tle ba nke setlankana sa hao sa thapelo. Esale le eme, le tlide ka nako mantsiboea ho itholla setlankana sa lōna sa thapelo, le na le tokelo ea ho kena moleng oa thapelo. Ke le tšepisitse, ho le rapella. Joale ke tla leka ho boloka tšepiso ea ka, ha Molimo o nthusa.

<sup>132</sup> Ke moshanyana oa hao eo? Ke tjaka ea monnana eo. Ntšoarele hle. Mosali enoa ke sekai sa mo-Amerika oa makoma. Moshanyana oa hae, diofarolo tsa hae li metaka le baki ea hae e metsero. Mosali ea mocha ea moriri o molelele, o apere hantle. Molimo a mo hlohonolofatse le lelapa la hae, le monna oa hae, baratuoa ba hae. Ke eona U.S.A. ea makhonthe ea sebele, 'me "Bokreste" bo takiloe hohe holima eona. Linaha tsa rōna li be joalo molebe! Ntšoarele, uena leleitinyana, ka ho rialo, empa feela ke . . . hore batho ba bone seo ke hopolang Mokreste a tšoana le sona; ha ho ferefē, hore nyee eo ke'ng, ke leleiti feela.

<sup>133</sup> Molimo a u hlohonolofatse, Moena Sullivan.

<sup>134</sup> *Ngaka E Khōlō*, ka kōpo hle.

Bonang suna u fihlile,  
Jesu Ngaka ea batho.

<sup>135</sup> Na le a Mo lumela? Le Mo lumela e le Ngaka E Khōlō? Joale le apare tšabo nakoana feela. Re saletsoe ke nakoana, ke khaotse molaetsa ha khušoane feela. Ke kholoa le e tšoere, leha ho le joalo, moelelo. Le lumele ka pelō eohle ea lōna. Nakong eo bohole ba folang mola, motho ea motše mono a emise batho moleng.

Le lokile? Ho thoeng? Joale lōna bohole ba tšoereng setlankana sa thapelo le eme.

<sup>136</sup> Na le a lumela ka ntle mono, le lōna, ba sa tšoarang litlankana tsa thapelo? Haeba u ka lumela, Molimo o tla *u* bitsa. Joale, litlankana tsohle tsa thapelo li kene moleng.

<sup>137</sup> Ngoanana eo ea lutseng morao mane, leoto la hae le lebe, holimo mona nthong ena...Na u a lumela Molimo o tla le phekola? Haeba u etsa, eba le tumelo 'me Molimo o tla *u* abela eona.

<sup>138</sup> U nahana ntate oa hao ea kulang a tla loka? U a lumela, u ka e fumana.

<sup>139</sup> Ho ka thoeng ka uena kantle mono, ea rapellang motsoala'o ea jeoang ke methapo? U nahana Molimo a ka mo phekola? Leleiti, le lutseng ka ntle mane, ha u ka e lumela, u ka e fumana.

<sup>140</sup> Lōna bohole le tla lumela na?

<sup>141</sup> Joale ke batla...Baena ba ka ba bakae mona, baboleli ba Evangel, baboleli ba Full-Gospel kapa seo ba leng sona, ba lumelang pholiso ea Khalalelo? Phahamisang matsoho a lōna. Ke batla le tle koana le nthuse ho rapella batho bana, batho ba bone hore ha ke rapelle batho ke le mong, le lōna le ka khona. Tloong koano le eme le 'na kalaneng. Le tla etsa joalo, baena, lōna bareri? Tloong koano hantle le eme le 'na kalaneng hantle. Ho hotle. Kea le leboha, baena. Kea le leboha. Le ka tla hantle, baena, tloong.

<sup>142</sup> Ho thoeng? [Motho o re, "Na re ka bopa mela e 'meli mona?"—Mohl.] E, le ka etsa joalo. Bopang mela e 'meli hantle mona, ho tla itokela. Ke botle. Joale sokolohela ka mona, moena. Sokolohela ka mona, ke tlil'o fetisa batho hantle le mona. Joale lōna ba bang le eme lephakong la ka mona, hantle ka mona, ka kōpo, emang lephakong lena. Ke eona.

<sup>143</sup> Joale, ho letšoele, na le bona banna ba khabane bana mona? Ke banna ba ka emang hantle holimo mona, 'me ba emela Evangel ena eo ke e rerang. Lea bona? Ba tlide koana hobane ba E lumela. Joale le tlameha ho ba motlotlo ka molebeli oa lōna ea ka ipontšang kalaneng ena mona, ka theron e thata, e matla. Bana ke banna ba tšoereng tšenolo, ba tsebang hore...ha se 'na ea emang khahlano le batho, ka linako tse ling re tšoasoa litsamaisong tse re etsang...Re khahlano le tsamaiso tseo; e seng motho, mohlanka oa Molimo.

<sup>144</sup> Joale, hola re ka senola moea oa e mong le e mong mona, le re nka lula ha kae mona? Nka akheha ha ke fihla koana...ka mora ba tšeleta, ba bahlano kapa ba tšeletseng, leshome; ka holingoana, mohlomong halofo, kotara ea mola, ke tla be ke felile, ba bang bohole ba ke ke ba rapelloa. Re ke ke ra etsa joalo. 'Me joalo ka ha e...empa ha u a tlameha ho tšoara ntho eo. U tseba bothata ba hao. U tseba seo u se entseng, joale ipolele libe

tsa hao. E mong har'a lōna haeba belaela hanyenyane pelōng ea hae, e fothole hona joale hantle u bolelle Molimo ho u tšoarela. Ha u sa loka nqa Molimo, bolella Molimo ho u tšoarela. Ha u sa etse joalo, 'me u sa loka ho Molimo, ho feta mona ho ke ke ha o u thusa le ka ntho le e 'ngoe. U itšenyetsa nako feela. Ke 'nene. Joale, na ho joalo, baena? [Baena ba re, "Amen"—Mohl.] Ke hantle.

<sup>145</sup> Shebang mona. Mona ho eme Moena Kidd mona. Ke batlile ke tabola litaere tsa ka ho mo finyella, nakong e batlileng ho ba selemo kapa tse peli tse fetileng, ho . . . A bolaoa ke mofetše, a tla shoa tsatsing lona leo. Mohatsa'e a mpolella, ho re, "Potlaka!" Ho re, "O a shoa joale." Ha ke fihla mono, Morena a mo folisa. 'Me ke enoa o sa eme. Kea kholoa o ekelitse boima *hakana* le ntho eohle. Mokaubere oa khale, morao, lea tseba. Ke ne ke bua ka monna oa mofuta oo, lilemong tse fetileng, ea rerileng; 'me a tiisetsa Lentsoe leo hantle, batho ba mo ja litševo. 'Me eëena le mohatsa'e ba khoahlapisa liporong tsa terene le ntho eohle, le holimo koana lithabeng, le merafong ea mashala, 'me ba lelekiloe, 'me ba hlahleloa chankaneng, le nto eohle esele. Ke monna ea loanneng ho hapa moputso, ke mofuta oo.

<sup>146</sup> Joale, baena, ke re ho lōna, e ka ba ha le a fuoa moea oa temoho. Ha se tlameho, lea bona, hoo—hoo ha ho hlokahale. Ntho ea pele, u monna oa Lentsoe. Le betere ho feta, le bareri ho mpheta, hobane ha ke—ha ke moreri hakaalo. Empa ke . . . empa lōna le—le tlotsitsoe, monna ofe ea bilelitsoeng ho rera Evangelio bilelitsoe ho folisa bakuli; litaelo tse akaretsang li re: "E-eang ka lefatše lohle le bolelle sebopuoa ka seng Evangelio. Ea lumelang a kolobetsoa o tla bolokeha. Mehlolo ena e tla tsamaea le balumeli. Ha ba bea bakuli matsoho, le joalo—joalo, ba tla fola." Ha u bilelitsoe ho ba moreri, u bilelitsoe ho rapella bakuli.

<sup>147</sup> 'Me lebaka la ka ho etsa sena ke hore letšoelie lena . . . ba bone ha ba sa tlameha ho emela motho oa horeng eaikhethileng, Oral Roberts, Tommy Hicks, Tommy Osborn, 'na, motho ea fihlang a tšoara tšebeletso ea pholiso. Ke batla ba ba bone hoba le banna ba Molimo. Lea bona? U monna . . . Ea nang le tokelo ea ho beha matsoho joalo ka—joalo ka 'na kapa mang feela. Holim'a tsohle, baena, bohole lea tseba, joalo ka—joalo ka bareri, ke tumelo ea bona ho Molimo e sebetsang. Na ho joalo? Rōna re ka ba etsetsa thapelo feela.

<sup>148</sup> Joale u re, "Moena Branham, na ebe Moea oa Moea o Halalelang o na le uena mono?" Ehlide. E, monghali!

<sup>149</sup> Joale ho lōna letšoe- . . . moleng mono, ha u lumela ka pelō eohle hoba Molimo a tla u folisa, phahamisa letsoho la hao, ho re, "Ke tla e amohela."

<sup>150</sup> Joale, tloo koano, e reng enoa—e reng leleiti lena le tle koano. Ha ke u tsebe, ha ke eso u bone. Ha Moea o Halalelang a ka mpolella, e le hore baena besō mona, ba leng teng ka mokhoa

ona, bohole ba eme mona ba nteetse hare. 'Me ha se ho fela, baena ba ka ba teng mona, le Morena oa ka o teng mona. Ke Morena oa bona, le bona. Joale, haeba A tla mpolella ntho e phoso ka uena, ntho efe e phoso ka uena, u tla tseba ha e le 'nete kapa che. Ke batla bona, ke batla letšoelle, ke batla ba ka ntle ka mane ba bone hoba Moea o Halalelang o teng mona kalaneng ho hlakisa temoho ea moea, empa hoo ha ho folise mang. Empa haeba A ka mpolella taba ka uena, eo u tsebang ke sa tsebe letho ka eona, joalo ka mosali selibeng feela... Nyeoe ha e tšoane, empa ke bua ka monna ea kopanang le mosali khetlo la pele. Jesu, e batla e le monna oa lilemo tse bohareng, 'me mosali enoa e batla e le mocha, mohlomong joalo ka uena.

<sup>151</sup> 'Me haeba A tla e etsa, ho mpolella lebaka la hao mona, bothata ba hao, u tla lumela hore e tlamehilee be e ka etsoa ke Moea oa Hae? Na lōna baena le lumela seo? Eēna Morena Jesu eo o eme mona? Na le lōna mokhupi le lumela ka ho tšoana? Na lōna ba moleng oa thapelo le tla lumela hona hoo, le ho tseba hore banna bana...? Na nka ba biletsha holimo mona haeba ke hopola ba sa...? Ka mora ho rera tjena, le ho bua lintho tseo ke li buileng, ke ntano biletsha banna ba sa tšoanelang mona? Nke ke. E ka ba ke loantšoa morero oo ke o hahamaletseng. Lea bona? Ke lumela ho bona. Ke lumela e le banna ba Molimo.

<sup>152</sup> Joale ho bona haeba Moea o Halalelang o eme haufi. Ho bua le uena feela, kea leka... U re, "U etsa'ng, Moena Branham?" Seo Jesu se entseng ka mosali, ho thoe, "Mphe metsi," A leka ho qoqa le eēna motsotso, ho fumana bothata ba hae.

<sup>153</sup> Bothata ba hao ke linerefe, ke sona se u tšoenyang. Haeba e le 'nete, phahamisa letsoho la hao. Joale, ruri ha a shebahale joalo. Ha ke re, baena? Ha a joalo, empa ke bona bothata ba hae. E se e le nako e telele a le joalo. Ka mehla u tšela marogo a hao pele u fihla ho oona, le joalo. Ke 'nete. Ke moloho oa hao, u entsoe joalo feela, dinerefe; ha u phetse ho nahana hore ntho e mothating oa ho etsahala, ha e joalo. Ka linako tse ling diabolosoi o a u bolella, "Ha ho letho ho Eona, u oele mohaung feela, u tšetse moeli." Ha ke bale mohopolo oa hao, empa ke bala se... Ke tseba seo a qoqileng le uena ka sona, hobane ke bone se haotseng mohopolong oa hao.

<sup>154</sup> Joale, Jesu o lemohile mehopolo ea bona. Na ho joalo? Be, e sa tsoa etsahala hona joale hantle. Na ho joalo? Mona, e reng ke le bolelle taba, le tle le tsebe. Mona u hlile u emetse motho e mong. Ke hantle. Ke eona ntho, u a bona, ha u a e tšoara ho fihlela nakong eo. Joale, haeba Morena a ka ntšenolela lebaka la hao ho ema mona, sebakeng sa motho e mong, na u tla ntumela ke le moporofeta oa Hae? U emetse 'mè oa hao. U lumela Molimo a ka mpolella bothata ba hae? Be, o jeoa ke pelō, khatello e holimo ea mali, majoe a nyooko, mathata. Ke hantle. Ha e joalo? Lea bona? Joale, oo ke Moea o Halalelang. Ha e joalo?

<sup>155</sup> Joale, ntho e teng mona holim'a ka le holim'a baena bana. Lea bona? Ntho e teng mona joale, Moea o Halalelang. Joale, le lumele; lōna, ha re feta moleng.

Ha re inamiseng lihlooho tsa rona re sa rapella batho bana.

<sup>156</sup> Joale Ntate oa Leholidō, re tlil'o beha batho bana matsoho. 'Me joale kea ba rapella. Bahlanka ba Hao ba boreneng ke bana ba eme mona, 'me bohole re tla beha bakuli matsoho, hobane O e laetse joalo. Re tla e sebetsa ka Lebitso la Jesu Kreste. Batho ba se ke ba hulana ha ba feta, ba mpe ba fete ba folile ka Lebitso la Jesu Kreste. Amen!

<sup>157</sup> Morena a u hlohonolofatse. Joale atamela haufi haholo.

Ka Lebitso la Morena Jesu, folisa... Ka Lebitso la Morena Jesu, folisa moena oa ka. Ka Lebitso la Morena Jesu, folisa khaitseli ea ka.

<sup>158</sup> Joale, feela—feela motsotso, ua bona. Moena, khaitseli, hobane'ng u nyakalla ha mosali eo, ha temoho eo e ne e hlakisoa, 'me ha ba bang ba feta mona ho sa etsoe letho? Batho ba feta, "Be, haeba ke sa etse... ke sa senoloe, be, ha kea fumana letho." Ha e amane le eona ka letho, O teng mona ka ho tšoana. Ua bona?

<sup>159</sup> Ha u feta mona, tloo u phahamisitse matsoho a hao, ho re, "Kea U leboha, Morena Jesu. Ke U amohela joalo ka Mophekoli oa ka, 'me ke ikela ka eona hantle feela. E mong oa banna bana o tla nklobetsa, ke tlil'o kena hantle letšeng la metsi le ho kolobetsoa, le ho tsoa ke tseba hobane U tšepisitse ke tla fuoa Moea o Halalelang."

<sup>160</sup> Lea bona, eona... Temoho ea moea e sa le teng mona. E sa le teng mona, joalo feela ka... Mona, ke efe? Monna enoa mona? Ha ke u tsebe. Na ke joalo, monghali? Ha ke u tsebe. Ho khona... ha Molimo o ka mpolella bothata ba hao, ana u tla ntumela ke le moporofeta oa Hae, mohlanka oa Hae? U tla e etsa ka pelō eohle ea hao? Ho lokile, monghali. Kea u leboha, monghali. Ke moea o motle oo, ntho e khabane haholo. Ebile, mona u emetse motho. Ke hantle. "Ke setloholo sa hao, se tšoeroe ke polio, se oele tsatsi le leng sa robeha moomo," hoo ke HO RIALO MORENA! Na ho joalo? Ke hantle! Tloha 'me u lumele joale, 'me o tla fola.

<sup>161</sup> Joale, tloo u lumela, e mong le e mong feela, tloo feela. [Moena Branham le bareri ba rapella bakuli moleng oa thapelo—Mohl.]...?...

Ho bokoe tlamo e tlamang  
Pelō tsa 'ratong la Bokreste;  
Setsoalle sa mehopolo e joalo  
Se tšoana le sa holimō.

Mona teroneng ea Ntate,  
Re tšela merapelo ea rona hle;  
Tšabo, litšepo, 'pheo tsa rōna li ling,  
Tšeliso ea rōna le paballo.

<sup>162</sup> Re eme holim'a, bana ba Molimo ba banyenyane, ba holofetseng, ba foufetseng, ba tšophahaneng. Lōna bareri ba Evangel, lea tseba ha re na matla ho folisa. Empa Morena Jesu Kreste oa rōna e Moholo o romela lipontšo tsena, le ho khalema diabolosi ea le tlamileng. Re khalema diabolosi...?... Re khalema bofoufou...?...

<sup>163</sup> Ka Lebitso la Jesu Kreste Mora Molimo, re kōpa Molimo ho ba nea tumelo e reng thapelo ea tumelo e pholositse mokuli, 'me Molimo o tla ba emisa, 'me ba tla boela ba phela. Aba sena, Molimo o Matlaohle, ka Lebitso la Jesu Kreste.

<sup>164</sup> Joale, lōna baena tlohang mono...?...

<sup>165</sup> Kaofela ha lōna le lule thapel long joale, re sa... bareri ba ntse ba ba rapella, le bona, joale. Rea rapela, re Bea matsoho.

<sup>166</sup> Ntate oa Leholidmō... .

Ho lōna ka ntle mono letšoeleng ba sa kenang moleng oa thapelo, behanang matsoho holimō joale. Behanang matsoho a lōna holimō.

<sup>167</sup> Ntata rōna oa Leholidmō, re U tlisettsa letšoelie lena ha re koala tšebeletso ena le letšolo tlasa folaga ea Jesu Kreste, Moprista e Moholo ea tlotsitsoeng oa Molimo, Emmanuel, ea emeng, a tsohile bafung, o phela ka mehla e le 'muelli; Boteng ba Hae bo boholo bo na le rōna joale, Matla a Hae a halalelang a holim'a rōna ho re bontša lipono, ho porofeta, ho beha bakuli matsoho. Lentsoe la Molimo le sa hholeheng le ke ke la khutlela ho Eèna le le feela. Ke khalema diabolosi e mong le e mong oa maloetse, matla 'ohle a sebe, ho se lumele hofe le hofe, ka Lebitso la Jesu Kreste, a sirohe batho 'me ba phelisoe.

<sup>168</sup> Hlohonolofatsa baena bana ba bareri, Morena, ba sa phuthehile 'moho ka pelō e le 'ngoe le ka khopolo e le 'ngoe, le phutheho eohle ea kereke. Oho Molimo o Matlaohle, ho Middletown ena e khōlō, Ohio, romela tsoselsetso ka morao ho mona, Morena, e tla haola ho qala lephakong ho ea lephakong, ebe kopano ea masapo, Morena, le mesifa ea letlalo. 'Me matla a Molimo a hlahise kereke e matla ea bonngoe mona motseng e tla ho haola, kereke ea mohlala, sechaba ka bophara, batho ba tle ba kene motseng ona ho bona matla a Molimo. Aba sena, Morena. Folisa bakuli le ba mahlomoleng, pholosa ba lahlehileng, 'me U ithuele khanya.

<sup>169</sup> Aba sena, lisakatuku tsena tsohle le liphasel tse nyenyane tse robetseng mona...Kea rapela, Morena, hore Moea o Halalelang o holim'a rōna, le o re tlotsang ka mohahong ona, e mong le e mong oa bona a folisoe. Ho ngoliloe Bibeleng mohla Israele a keneng lephallong la kutlo, leetong la bona la lefatše la pallo, eaba Leoatle le Lefubelu lea ba khaola. 'Me e mong oa bangoli o itse, "Molimo oa nyarela ka Topallo eo ea Mollo 'me Leoatle le Lefubelu la tšoha la checha ka santhao, eaba Israele o fetela lefatšeng le neng le tšepisitsoe la pallo."

<sup>170</sup> 'Me joale, ka Bibeleng, ho ngoliloe, "Holin'a lintho tsohle Ke rata ha le atleha 'meleng.' 'Me e tle re ha lisakatuku tsena li finyella batho, moo Satane a sarolotseng Leoatle le Lefubelu ka pel'a bona, Molimo a nyarele fatše ka Mali a Mora oa Oona, Jesu Kreste, ho khalema maloetse a mang le a mang a bao ba sa khonang ho fihla mona; 'me maloetse a suthe a tšabe Lentsoe la Molimo le tšepiso ea Molimo le tlolo ea Molimo, 'me batho ba tšelete pallong e molemo ea 'mele o monate le ho koena. Aba sena, Morena. 'Me tsohle re li nehela ho Uena, ka Lebitso la Mora oa Hao ea ratoang, Mopholosi oa rōna Jesu Kreste. Amen.

<sup>171</sup> Mokhupi, ho Ea re tsebang bohle, ho Ea re tsoselitseng ho behoa lefa la Hae lefatšeng, ka kerekeng ea Hae, menono ea mahlohonolo a Molimo e beoe holim'a lōna bohle ho fihlela re kopana hape. Tšebeletso ea rōna e latelang, ka moo ke tsebang, e tla tšoarelolah tabernakeleng, Sontaha hoseng, hoseng ha Sontaha sa Paseka. Ebe moo ke tlāng ho tlōha... ea koana Illinois ho tlōha moo. Le hlohonolofatsoe, alosang likereke tsa lōna, alosang likereke tse ntle tsena, le teanye lipelō tsa lōna 'moho. Lulang Lentsoeng la Molimo! Le Mo phelele, hobane ka pel'a lōna ho larile lintho tse tšabehang, le hopole taba eo!

<sup>172</sup> Ho fihlela re kopana, ha re emeng 'me re bine.

Kea Mo rata, kea Mo rata  
Hoba A nthatile pele.  
Le ho lefella poloko ea ka  
'Fateng sa Kalvari.

<sup>173</sup> Joale, ka tšabo, tsukutlana le motho ea ka mora hao ka matsoho, ka pel'a hao, le ka mahlakoreng a hao.

Kea Mo rata, (e mong le e mong, joale), kea Mo rata  
Hoba A nthatile pele,  
Le ho lefella poloko ea ka  
'Fateng sa Kalvari.

<sup>174</sup> Joale ka matsoho a lōna a phahamiselitsoeng ho Molimo, ka lerata le leholo joale, e mong le e mong a e utloahatse.

Kea Mo rata, kea Mo rata  
Hoba A nthatile pele  
Le ho lefella poloko ea ka  
'Fateng sa Kalvari.

<sup>175</sup> Ha re inamiseng hlooho tsa rōna joale.

Ho fihlela, re kopana,  
Maotong a Jesu re kopana;

Hopolang, ba bangata ba rōna ha re sa tla kopana ho fihlela mohlang oo.

Ho fihlela, re kopana,  
Molimo a u sitse re be re kopane.

<sup>176</sup> Joale e bineleng ka marameng. [Moena Branham o qala a  
binela ka marameng—Mohl.] Molisa oa lōna.



*BORAPELI BA JESEBELE* SST61-0319  
(Jezebel Religion)

Molaetsa wona, ka Moena William Marrion Branham, o rerilwe sethatong ka Senyesemane Sontaha thapama, Hlakubele 19, 1961, National Guard Armory, Middletown, Ohio, U.S.A., o ntshitswe kgatisong ya teipi ya makenete mme o ngotswe o sa kgaolwa ka Senyesemane. Petolelo ena ya Sesotho sa Borwa e ngotswe mme e abjwa ke ba Voice Of God Recordings.

SOUTH SOTHO

©2017 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)